

那文毅公奏議

那文毅公二任陝甘總督奏議目錄

卷二十

恭謝

天恩

卷二十一

賑恤災黎

卷二十二

控制番氓

西陲蒙回

卷二十三

蒙古鹽務

請弛採煥之禁

鎮壓奸回

卷二十四

清查倉庫

茶政

朔方水利

分讞諸獄

卷二十五

綏靖終南

改建營制

訓練武備

籌劃營伍

卷二十六

推薦賢能

奉

勅稽察

卷二十七

糾彈庸劣

那文毅公二任陝甘總督奏議卷二十目錄

卷二十

恭謝

天恩

那文毅公二任陝甘總督奏議卷二十

上海市歷史文獻圖書館藏

男容安恭輯

恭謝

天恩

嘉慶十五年正月十五日

奏爲叩謝

天恩事本年正月初五日接准軍機大臣字寄欽奉

上諭仰蒙

聖恩著臣以二品頂戴補授陝甘總督欽此臣當卽恭設

香案望

闕叩謝

天恩伏思

臣仰荷

鴻施屢獲罪愆蒙

逾格殊恩復用至喀什噶爾叅贊大臣未久正思未能圖

報日夜惶悚茲蒙

天恩補授陝甘總督查地方責任尤屬重要

臣自維無才

深恐不克勝任倍切悚惶且荷

聖主殊恩畀以內地職任俾得與

臣

年近七旬之母相見

朝夕侍奉誠

臣

夢寐不敢望之

鴻慈

臣

闔家頌感

聖主

高厚鴻慈不盡續俟

臣

抵任將地方事務逐款辦理後再

欽遵

諭旨奏請展

覲茲伊鏗額於本月十二日來抵喀什噶爾

臣

將叅贊大

臣印信並應行交代事件委章京豐安交代明白

仍將地方一切情形回子布魯特安集延等習俗

情形詳細告知

臣

於二十日起程馳驛赴甘容

臣

另行恭摺專差具

奏叩謝

天恩謹

奏奉

硃批好生辦事慎之

嘉慶十五年正月二十二日

奏爲恭謝

天恩事正月初五日恭奉

上諭松筠著調補兩江總督伊現已起程來京俟陞見後
再赴新任陝甘總督員缺著那彥成以二品頂戴補授
接奉諭旨卽馳驛前赴蘭州接印任事以便勒保交代
徑回四川總督本任那彥成將地方公事次第經理於

明歲二三月間再行奏請陞見欽此嗣伊鏗額於正月十二日到喀什噶爾接印任事臣於正月十五日拜發清字謝

恩摺並聲明隨即專差家人進京賫摺謝

恩臣隨將各城回衆情形並邊外各部落及現在浩罕通

貢緊要各事應如何撫馭安集之處俱備細告知

伊鏗額亦即起程赴任伏念臣仰蒙

特達之恩屢擢清要之任祇以無才無能辜負

聖恩屢獲愆尤仍復屢蒙

錄用邀

異數之隆倍極人臣荷

寬大之恩原之法外五夜捫心未嘗一息獲安卽在邊疆之地多駐數年少効奔走亦所當然況到任未及半載絲毫未有建樹又復超

擢斯職誠如

硃筆諭旨所云汝屢遭挫折當動心忍性舍身報國勉之

欽此臣賦性愚拙深荷

主知兼之智淺福薄遇事多舛迄今境過自思凡所閱歷之風波悉皆

生成之雨露是臣有生之日皆

皇上再造之仁

臣惟當遵奉

教訓恩旨動心忍性舍身報

國恪勤所職夙夜靖恭不敢少自放佚但

臣前任陝甘

五月有餘均在西安駐劄辦理軍務善後至蘭州

任署方及五日卽蒙

恩調任兩廣爲日不久一切事務未能悉知且屢次獲譴

之後庸愚之材遇事益深疑懼嗣後凡事務自奮

勉勤益加勤慎之又慎仍仰懇

皇上天恩多加教訓俾

臣

可免隕越得以永遠承受

恩眷

臣

惟有竭盡犬馬之才以冀仰報

高厚鴻慈於萬一謹

奏

容安謹按此奏

殊諭謹密存未載

嘉慶十五年三月十二日

奏爲恭謝

天恩奏報接印任事日期事

臣

於正月二十二日在葉爾

羌途次專差齎摺謝

恩嗣於阿克蘇途次接得勒保來信商及

臣

於何日到任

接印以便速回四川本任等語惟查喀什噶爾至

蘭州計程一百二十餘站

臣

於正月半起身每日

趲行二百一二至七八十里不等總須三月半方

能接印而勒保急須回四川本任是以

臣

等往返

札商令伊飭委中軍等官送印至肅州

臣

接印後

以便查閱營伍料理地方事件而勒保亦可及早

回川辦事事屬兩便彼此意見相同茲

臣

於三月

初三日進關勒保亦於初三日派委中軍副將張

大振候補直隸州知州普寶賚送印勅前來

臣

於

初六日已趕至甘州府地方恭設香案望

闕恭謝

天恩接印任事伏念

臣

至愚極陋仰蒙

皇上恩施屢次棄瑕錄用

教誨成全無微不至撫躬慚懼五夜難安今乃重荷

鴻恩白頭等侍衛

超擢至陝甘總督節鉞之榮地方之寄自顧何德何能實

慚非材非分惟有仰懇

皇仁嚴加策勵俾

臣

得有遵循可免貽悞現在應行整頓

辦理各事宜經勒保節次寄信俱已詳細告知

臣

嗣後仍當虛心採訪公同斟酌次第辦理以冀仰

答

高厚鴻慈至

臣前奉

恩旨准

臣

於二三月間奏請入

覲惟查松筠進京時因陝甘總督事務緊要藩司陳祁資
格尚新是以

特旨令勒保前來署理茲

臣

甫經接印亦未便將印交陳

祁護理况陝西撫

臣

赴晉撫篆亦係藩司朱勲護

理

臣

若再進京陝甘兩省均係藩司護理於體制

亦未允協

臣

此時自不應拘泥奏請進京入

覲現將年例報銷秋審之事趕緊辦理完竣俟六七月間

卽行起身進京

陛見叩謝

隆施面請

聖訓可否如此恭候

恩旨遵行謹

奏奉

硃批甚是只須盡心任事誠心改悔不必急於進京八月
底起身亦可

嘉慶十五年二月二十五日長子容安蒙

恩以六部主事用

嘉慶十五年四月初八日

奏爲恭謝

天恩事竊

臣

接到家信知長子容安由廕生吏部帶領引

見欽奉

諭旨以六部主事用欽此聞

命之下感激悚懼莫能言喻當卽恭設香案望

闕叩頭謝

恩伏念

臣

質本庸愚屢經獲罪俱爲日不久卽蒙

聖慈棄瑕收錄

臣

之子原係二品廕生嗣因

臣

鐫職應得

廕生例卽停止今以

臣

復任總督部中帶領引

見乃蒙

皇上逾格鴻施以六部主事補用是

臣一人受

恩未幾並下逮於幼子全家戴

德頂感何窮且

臣幼蒙豢養

深仁

生成誨訓曲賜矜全十有餘年何微不至在

聖主實垂憐於轅下之鴛駘而

臣亦猶是當年之童穉何

圖今日

臣

之子容安未及成人又得上邀

錄用凡此

恩命之加皆

臣

舉家夢想之所不到祖孫父子渥荷

鴻施自問何修膺茲

眷遇惟有寄信容安諄切誠飭令其勤加學習勉力當差

以圖報効臣益當竭盡微誠於地方應辦事宜實

心整理稍酬

高厚於萬一謹

奏奉

硃批盡心與否汝自省於衷卽知矣統務習氣汝不應染而竟犯此病大是奇事嗣後倍加改悔勉副朕願

嘉慶十五年五月初四日

奏爲滙陳依戀下悃恭摺請

旨遵行事竊臣前次奏報到任日期及懇請六七月

陛見一摺茲於五月初三日欽奉

硃諭令

臣

八月底起身來京自不應再行瑣賣惟是大馬

戀

主之誠亟欲瞻

天仰

聖面請

訓誨又因甘省清查倉庫錢糧一案經前督

臣

松筠奏明

八個月限期自今年正月起限至八月卽滿實緣

歷年已久案牘紛繁各項頭緒既多自不得任聽

州縣少有含混兼以口外各州縣距省遙遠往返

駁查一時未得清楚雖照例扣程計限須於明春
二三月方爲滿限計此時各屬歸著款項至秋末
冬初正係臣衙門核算喫緊之時又今歲十月係
應辦武闈鄉試事宜撫臣亦因本省武闈不能分
身兼顧臣若俟八月底進京十月初旬恐不能趕
回辦理合無仰懇

皇上俯鑒愚誠

恩准

臣

六月間入都

陛見俾得早遂瞻依之私計程回甘亦於清查錢糧考試
武闈等事不致有悞如蒙

俞允所有陝甘總督印務或交撫臣董教增署理或另行派員署理之處恭候

聖明訓示謹

奏

嘉慶十五年五月十八日奉

上諭那彥成現在奏請陞見准其於六月內來京瞻覲其陝甘總督印務著董教增卽前往署理以便那彥成交卸啟程所有陝西巡撫印務仍著朱勲護理

嘉慶十五年七月初五日

奏爲恭繳

硃筆恩諭敬陳感愧下忱並現在查辦情形事竊臣前次

具奏酌議災賑章程請將被旱之臯蘭等二十四

廳州縣先行緩徵並懇預撥

帑銀以備賑卹臣留甘督辦暫緩

陛見各摺茲於七月初二日欽奉

硃批

諭旨仰蒙

聖主恩施一一允行並以臣能知事體輕重不愧廣庭相

國之孫

優加勛勵臣跪讀之下感激慚悚莫可名狀並蒙

皇上眷念舊

臣

硃筆恩諭

賜書官號不書名字不特

臣

感戴終身卽

臣

祖父阿桂亦

當銜結地下

臣

惟有事事倍加小心虛衷商辦實

力勉行期於民生

國計有裨以冀上承

君恩下繼家業斷不敢少自暴棄有負我

皇上教誨期望之意伏查甘省本年被旱之處在四五月

間地段頗寬情形亦重幸六月以來連得透雨各

處均以地候較遲趕緊翻種秋禾民情頓覺安貼

雖有夏禾被旱向不種秋及不能翻種業已成災
之處而續報補種秋禾者現已滋長卽從前被旱
最重奏請緩徵處所亦間有續得透雨現須另行
勘辦查四五月間有連年被旱如鹽茶有回民爭
教安定會寧靖遠等處強借搶奪之案共有二十
餘起臣等身任地方實不免中心惶惑今得仰托
皇上洪福各屬均得有甘雨民氣稍蘇此時大局較從前
具奏時已可大定然災民業皆積苦之餘流離實
自可憐今蒙

允准撥帑辦賑臣斷不肯稍任虛糜亦不敢預存節省之

見使小民或至失所惟當督同司道將此項辦賑銀兩公同監視出入分別輕重確核灾分總期無濫無遺民沾實惠以仰副

皇上軫念民瘼不惜百萬

帑金普卹灾黎之至意至灾賑一切弊端詐僞百出

臣

到甘未久不能備摘濤張近日悉心訪詢隨事講求卽守令教職中平素老成諳練者亦俱令其各抒所見冀得周知民隱切中弊源

臣

仍與司道虛心商權不遺餘力凜遵

諭旨切實奉行倘有官吏侵肥染指定卽嚴叅懲辦斷不

敢徒托空言上負

聖訓謹將

硃筆恩諭敬謹封繳謹

奏奉

硃批實心任事言行相符爲要

嘉慶十五年七月二十三日

奏爲恭謝

天恩事竊

臣

接准吏部咨開嘉慶十五年六月二十九日

奉

上諭那彥成前在兩廣總督任內辦理洋盜本屬認真但

於一切機宜未能悉當而李崇玉一犯究由伊緝獲現在洋盜肅清著加恩賞給頭品頂戴欽此欽遵移咨前來

臣恭承

恩命伏地碰頭感愧交集伏念臣前在兩廣總督任內辦理洋盜因年輕識淺急圖成功以致躁率冒昧不合機宜自蒙

皇上教訓警戒以來省過懷慚至今負疚迺荷

天恩高厚不究前愆復蒙

普錫恩膏

特加品服

鴻慈逾格頂踵難名

臣

惟有事事小心謹慎整頓地方勤

求民隱現在辦理災務更當認真督率稽查使官

吏少一分侵欺卽閭閻多一分全活庶以仰報

皇上覆載生成於萬一謹

奏奉

硃批實心勉力不可自作聰明爲要

嘉慶十五年十一月二十六日

奏爲

臣

母自京到署懃陳感激下忱恭謝

天恩並懇請留子隨任事竊

臣

荷蒙

恩命補授陝甘總督到任後值查辦甘省賑務續經



奏准暫緩

陛見尚未瞻覲

天顏稍伸依戀何敢顧及將母私情惟臣之母年已六十

有九前奉

上諭有令臣進京瞻

覲順便省親之

旨仰荷

恩慈格外垂卹感激無地臣母屢經寄信來甘誨諭臣盡

心辦理地方公務灾賑事宜更須加意認真以副

皇上恩任切不可眷戀私情急於遣人迎接我若念汝卽

自行來署等語臣是以尚未迎養茲臣之母緣念
子情切經已自僱長行車輛由京起程臣趕緊差
人迎至西安茲於十一月初七日抵署臣得遂祿
養之私皆荷

聖主隆恩舉家老幼無不同深感戴再臣長子容安蒙
恩以主事用分掣戶部學習行走在部告假隨臣母來甘

惟容安年輕無知學業甚淺合無仰懇

聖恩准其照例留署幫辦家務兼可教以滿漢文並練習
弓馬庶幾將來回京當差不致貽悞至臣署中公
務較繁時有查辦地方巡閱營伍之事現在九月

分普賑及十月十一月加賑均已散竣尚有十二
月加賑尤應察看情形妥爲查辦並須親赴散放
各處次第查核以期實惠在民未能常川駐省如
蒙

聖恩准留容安在署奉養以代子職並可以愉其祖母之
心臣烏烏私情不敢不據實陳奏可否之處出自
皇上天恩謹

奏

嘉慶十六年正月初七日奉

上諭據那彥成奏稱伊子隨侍伊母來署懇留隨任等語

著照所請准令伊子容安留署幫辦家務

嘉慶十五年十二月二十八日

奏爲瀝陳依戀下忱恭摺懇請

陛見事竊

臣前次

奏請展

覲嗣緣查甘省賑務不敢拘泥前

旨復經

奏奉

諭旨冬底來京亦不爲遲欽此伏查甘省普賑加賑自九

月至十二月均已完竣

臣欽遵

恩旨查照本年普賑數目續請

賞給貧民一月口糧現在祇候

命下欽遵辦理計自正月散起至二月可以完竣惟各州

縣分設粥廠當青黃不接之時一時驟難停止而

明春酌借籽種口糧之處正多尚須督飭盤查妥

爲辦理

臣

擬於三月由蘭州起程先赴東路一帶

較閱營伍至西安省城會同提

臣

楊遇春將

奏准軍標改鎮事宜分撥布置其南山一帶邇來甚屬

安靜惟陝安鎮總兵游棟雲究係新任

臣

於到西

安時暫爲駐劄亦可督率該鎮等彈壓稽查俾地

方益臻靖謐彼時正值

駕幸五臺爲民祈福陝省與晉省連疆

君父鑾輿臨幸

臣

何敢安坐衙署既有陝省應辦之事

臣

卽在西安駐劄依

光較近

臣

子戀慕之心亦可少安恭候

皇上迴鑾

臣

卽隨後自陝進京如奉

旨令

臣

赴晉展

覲仍遵前奉

諭旨將督篆交與董教增署理之處合併請

旨遵行伏祈

皇上睿鑒訓示謹

奏奉

硃批已有旨不准董教增來接汝亦不准至五臺接駕俟五月間至圓明園見朕不准早來恐悞賑務

嘉慶十六年五月十五日

奏爲遵

旨展

覲陳明起程日期事竊臣上年奏請

陛見嗣因查辦甘省賑務未敢拘泥當卽奏蒙

恩准暫緩進京迨去冬賑務完竣復經瀝情奏懇因今春

尚有展賑欽奉

硃批俟五月間至圓明園見朕不准早來恐悞賑務欽此

臣凜遵之下當將展賑妥爲辦竣其糲粥停賑平

糶減價暨秋審奏銷及清查倉庫各案均已次第

辦結此外並無緊要案件臣到任已越一年戀

闕情殷謹遵前奉

硃批進京

陛見不敢早行現擬於五月二十日自蘭州起程隨帶總

督關防俟至西安卽遵前

旨移交撫臣董教增接署並將甘省地方事務面爲告知

商酌妥辦其西安軍標改鎮未盡事宜當督同新任總兵楊芳與藩司朱勲就近布置臣卽由西安進京瞻覲

天顏跪聆

聖訓俟回陝甘後另將奏定巡閱各營以次較閱至臣起程之後署中日行事件飭委藩司陳祁照例代拆代行臣拜摺後卽行起程前進迎奉

硃批謹

奏奉

硃批覽

嘉慶十六年四月十一日次子容照蒙

恩授

乾清門三等侍衛

嘉慶十六年六月初二日

奏爲恭謝

天恩事竊

臣

途次接得家信

臣

次子容照仰蒙

恩旨授爲三等侍衛在

乾清門行走聞信之下感悚莫名伏念

臣

一門祖孫父

子世受

國恩

臣

自幼卽蒙

聖慈豢養

內廷依

光近

御二十餘年以來疊荷

高厚生成以至今日上年長子容安蒙

恩賞用戶部主事已屬

榮施逾格頂踵難酬茲次子容照幼穉無知復荷

皇上天恩於大臣子弟百十餘人之中

特加拔擢既超等第又近

天顏

臣

自顧驚惶不識何修乃父子渥沐

鴻慈至於此極此實

聖主垂念臣之祖阿桂總欲令其家中世有一

內廷行走之人是以不次之

恩施及童子言念及此不禁感激涕零臣惟有殫竭血誠

盡心辦事並寄信容照令其勤習弓馬謹慎當差

以期仰答

皇上恩加無已至意謹

奏奉

硃批覽

嘉慶十六年六月初五日會同陝西巡撫董公教

增

奏爲恭報交篆及接署日期事竊臣那彥成遵

旨進京

陛見於五月二十日自蘭州起程業經奏報在案茲於六

月初二日行抵西安面晤撫臣董教增當將甘省

地方公事情形逐一告知所有總督關防應遵前

奉

諭旨卽交董教增接署現在臣那彥成於本月初三日交

卸督篆臣董教增卽於是日接篆署事謹

奏奉

硃批覽

嘉慶十六年七月初二日瞻

覲

賞還花翎

嘉慶十六年七月二十八日會同陝西巡撫董公

教增

奏爲恭報交接督篆日期事竊

臣

那彥成進京

陛見

臣

董教增接署總督篆務均經奏報在案茲

臣

那彥

成

陛辭出京於七月二十五日行抵西安省城准董教增派

委西安府知府周光裕兼辦撫標中軍叅將張連
甲將總督關防移送前來臣那彥成恭設香案謹
望

闕叩頭祇領任事臣董教增卽於是日卸事所有交接
督篆日期除另疏

題報外理合會同奏

聞再本年係

欽差大閱之期

臣

那彥成現在校閱西安滿營官兵次赴

平涼固原靜寧一帶巡閱各營順道回至蘭州容
俟將巡閱情形核明彙奏謹

奏奉

硃批知道了

嘉慶十六年七月二十八日

奏爲恭謝

天恩事

臣

進京展

覲得以瞻仰

天顏稍紓依戀之悃荷蒙

皇上疊次

召對自地方公事以至

臣

私事無不

垂詢周詳

體恤備至並荷

榮施逾格

賁戴花翎所以

訓誨成全者有加無已自念受

恩深重未効涓埃不圖渥被

鴻慈至於此極私衷感悚筆不能宣惟有殫竭愚誠實心

辦事益加勤勉不敢稍有懈怠以期仰答

高厚深仁於萬一謹

奏奉

硃批永守清操勿稍任性必能常承恩澤勉之

嘉慶十七年十一月初五日

奏爲恭謝

天恩事

臣

八月內進馬千總張作功回甘稟稱十月初

二日到京進呈

貢馬四匹奉丹巴多爾濟當面傳

殊

育以

臣

前次所進黃馬

此一馬

俱好

青馬已蒙乘用此次之馬尚好並

欽賞千總張作功小緞一疋

臣

敬聆之下當卽望

闕叩頭跪領

恩旨伏查甘省地近伊犁得馬尚易是以

臣

每次備

貢之馬皆預爲挑選親自騎壓至一二年不等教至馴

熟然後呈進屢蒙

皇上賞收傳

旨獎飾並

賞差弁緞疋

臣

榮幸之私如同身受茲

臣

又得馬四匹敬

謹呈進嗣後

臣

益加留心挑選有可備進者仍求

皇上施恩准其隨時呈進謹

奏奉

硃批汝所進之馬好者多駑駘者少嗣後每次一二匹足矣不必多進只要馴良

嘉慶十八年四月二十日

奏爲恭謝

天恩事嘉慶十八年四月十二日接准軍機處咨嘉慶十八年三月二十日奉

上諭那彥成所進青馬朕乘用甚屬大方伶便青馬著賞給履安驄名號著加恩賞給那彥成大緞二疋官緞二疋此項緞疋卽在廣儲司動用頒給欽此前來臣跪聆之下曷勝頂感仰望

金闕叩謝

天恩伏思

臣

前次呈

進馬匹皆蒙

聖主賞用

臣

正深惶悚之際荷蒙

鴻恩將

臣

所

進馬匹仰邀

嘉賞履安驄名號又蒙

賞賜大緞四疋

臣

不勝感戴之至惟甘省得馬尚易

臣揀

選上好馬匹親身騎壓俟堪

聖主乘用仰懇

恩准呈

進爲此恭摺叩謝

天恩謹

奏奉

硃批知道了

嘉慶十八年五月十六日

奏爲滙陳依戀下忱恭摺籲懇

聖恩俯准

陛見事

臣

於嘉慶十六年夏間趨詣

闕廷迭蒙

皇上訓誨周詳無微不至

陛辭時並荷

皇上垂慈俯鑒

臣

犬馬戀

主之忱面降

恩旨准

臣隨時奏請

陛見不必拘定三年伏念

臣

自幼卽蒙豢養

內廷依

光近禁渥叨

高厚生成以至今日自前年回任後無不秉承

睿謨卽無刻不兢兢畏懼凡一舉一動均勉思可以仰副
君父如凜

天顏於咫尺惟是上年值甘省藩臬屢經更替不能奏請

辰下秋審及錢糧奏銷各案完竣自當

奏請又值撫

臣

董教增暨新任甘肅臬司德克精阿先

後進京

臣

亦未便離省今計伊等同任時又係本

年十月辦理武闈鄉試不得分身入

覲合無仰懇

皇上天恩指示准令

臣

或本年冬月或明年正二月間入

都泥首

宮門跪聆

慈訓俾一切公事有所遵循而

臣

子戀

主微忱亦可稍申萬一如蒙

俞允其陝甘督篆臨時

臣

仍帶至陝西交撫

臣

董教增署

理謹

奏奉

硃批明年正二月來京未遲

那文毅公二任陝甘總督奏議卷二十

那文毅公二任陝甘總督奏議卷二十一目錄

卷二十一

賑恤災黎

那文毅公二任陝甘總督奏議卷二十一

男容安恭輯

賑恤災黎

嘉慶十五年五月二十七日

奏爲甘省被旱情形事據甘肅布政使陳祁詳稱甘省
自去冬今春雪澤稀少本年三月至四月下旬惟
慶陽府屬之寧州安化正寧三州縣西寧府屬之
西寧縣各得透雨一次五月內惟秦州得透雨一
次西寧大通安定三縣得雨三四寸不等涇州河
州狄道渭源隴西伏羌西和平涼華亭清水徽縣

等處得雨三寸餘此外各廳州縣稟報得雨僅濕地皮及一寸有餘並有尚未得雨之區除寧夏寧朔平羅等縣及張掖迤西各地方均藉渠水灌溉雨澤雖少可望有收容俟秋成後再行勘辦外其餘各屬多半山田旱地風高土燥全賴雨澤應時禾苗始能長發兼之地氣苦寒秋田於夏至前必須播種非若他省麥收後尚可再種秋禾茲據臯蘭金縣靖遠沙泥州判紅水縣丞寧遠會寧漳縣鹽茶固原環縣文縣成縣靈台靈州及花馬池州同中衛平番十八廳州縣稟報夏禾已多黃萎秋

禾尚未播種災象已成其他州縣或受旱於前或
得雨較遲麥收已少西成亦必歉薄等情具詳前
來臣伏查甘省上年收成本屬歉薄本年雨澤愆
期自四月至今臣每日率同司道各官虔誠步禱
並嚴飭各屬一體誠求雖間有得雨處所率未深
透夏收歉薄糧價日昂民力頗形拮据臣與司道
等日夜徒增焦灼現在與藩司察核情形較重地
方酌量先行借給口糧以安民心日內如獲甘霖
尚可勸諭農民補種晚秋若至小暑不得透雨卽
當飛飭該管道府上緊查勘臣一面督同藩司親

履勘驗分別成災輕重照例趕辦以期仰副

皇上軫念民艱不使一夫失所之至意再今歲被旱成災之處過寬民情不無惶惑查勘撫綏事事均關緊要嗣後若遇災賑事宜應奏明請

旨俯允

臣

由馬上飛遞馳報謹

奏

嘉慶十五年六月十五日軍機大臣字寄奉

上諭那彥成奏甘省被旱一摺前因那彥成奏請陛見准令於六月內來京瞻覲順便省視伊母令董教增赴甘署理督篆第總督兼轄兩省職任甚鉅自以地方公務

爲重今臯蘭十八廳州縣夏禾已多黃萎秋禾尚未播種災象已成其他州縣或受旱於前或得雨較遲西成亦必歉薄又鹽茶地方回民復倡新教煽惑鄉愚此皆係該督應辦要務董教增甫經調任於甘省情形自所未悉且陝省自春徂夏雨水短缺亦間有成災處所係該撫本任應辦之事焉能分身兼顧此時計那彥成已由甘肅啟程行抵西安著接奉此旨卽由陝省一帶查勘回甘董教增卽回抵西安接辦巡撫事務俱先行由驛馳奏所有臯蘭等處被災較重者著該督先給口糧其成災分數及他州縣是否成災迅委委員履勘明確

如何分別蠲緩撫卹由驛馳奏統俟地方諸務辦理完
善於冬底來京展覲亦不爲遲務使窮黎不致失所爲
要

嘉慶十五年六月初七日

奏爲甘省被旱成災現在分路查勘據詳預請撥

帑以資接濟事茲據藩臬兩司詳稱日內又有靜寧隆
德隴西通渭安定碾伯六州縣續報被旱較重現
已分委妥員並移行該管道府馳赴各屬確切查
勘一經勘實自應卽爲賑恤此時會寧靖遠等處
已有饑民強借搶糧之案雖已懲辦完竣惟窮民

無食繩以嚴法其情實覺可憫若從寬原宥久而
恐釀大事現已遵照前奏將被災較重之處酌量
借與口糧以安民心目下業已安靜而賑恤事宜
尤不可不亟爲籌辦查甘省司庫除存貯兵餉廉
俸等項之外並無閒款現在請借口糧已形支絀
若俟勘明成災始請撥

帑恐緩不濟急災黎失所殊非仰體我

皇上愛民保赤之意查嘉慶六年甘省被旱經前任總督
長麟具奏是年被災共有四十一廳州縣牽算大
中小縣戶口數目給賑兩三月至四個月以每處

本折賑糧五萬石約計請撥銀一百二十萬兩糧八十萬石並奏蒙

聖恩將正借新舊銀糧分別豁免帶徵始克民情安堵本年現在被旱成災地方已有二十四處雖較之六年似爲稍輕而各該處半係連年歉薄之區民情甚覺惶惑此時通盤計算減半撙節辦理每處酌減一萬石卽以賑糧四萬石牽算每石計折銀一兩已需銀九十餘萬兩此外毗連處所亦需調劑者尚屬不少約畧計算必得預籌賑銀一百萬兩以備接濟詳請具奏前來

臣

伏查甘省本年受旱

較重前因節令甫屆夏至尚冀續得透雨可以趕種晚秋今時已小暑甘霖仍未霑足業已成災自應准兩司詳請預行請撥

帑銀始免臨時貽悞理合奏懇

皇上天恩俯准在於甘肅鄰近省分撥銀一百萬兩並令迅速解甘務於七八月間到齊俾資給散至甘省現在市糧稀少價值日昂六年時尚有附近災區州縣倉糧可撥今東南兩路大率倉貯空缺西路倉糧雖多而相離過遠腳費倍於糧價難於撥運將來若全給折色恐貧民買食維艱仍難餬口應

請將被災地方倉貯有糧者先儘支放如無額貯
容_臣督同藩臬兩司及各道府妥爲斟酌設法撥
運間需運腳等費卽在所請銀兩內通融支用事
切民瘼辦理固不必存節省之見而

國帑攸關_臣

等天良具在何可少事浮糜惟有實力實

心公同商酌盡心籌畫務使實惠及民以上副

皇上軫念窮黎不使一夫失所之至意再_臣

先經具奏之

阜蘭金縣靖遠沙泥州判紅水縣丞寧遠會寧漳
縣鹽茶固原環縣成縣文縣靈台靈州及花馬池
州同中衛平番等十八廳州縣又據續報被旱較

重之靜寧隆德隴西通渭安定碾伯六州縣共二十四州縣應徵新舊正借銀糧草束並請

聖恩一體先行緩徵其餘各處容

臣

與兩司分投通行親

查如有續應辦理分別調劑之處容

臣

再行隨時

確查具奏斷不敢稍存諱飾上負

恩慈謹將現在查勘及請撥賑銀緣由先行馳

奏

嘉慶十五年六月十九日奉

上諭那彥成奏查勘甘肅各廳州縣被災情形並請撥帑接濟一摺甘省本年自春徂夏雨澤愆期秋成失望所

有那彥成前次具奏之皋蘭金縣靖遠沙泥州判紅水
縣丞寧遠會寧漳縣鹽茶固原環縣成縣文縣靈台靈
州及花馬池州判中衛平番等十八廳州縣並現據續
報被旱較重之靜寧隆德隴西通渭安定碾伯六州縣
共二十四廳州縣本年應徵新舊正借銀糧草束著加
恩先行緩徵其餘各處仍著查明有無成災應行調劑
之處隨時據實具奏至該督奏請籌撥賑銀一百萬兩
著照所請交戶部於附近陝甘各省迅速籌款撥解以
資接濟摺併發

嘉慶十五年六月初七日

奏爲酌議辦理災賑章程以清浮冒侵漁積弊事竊惟
災賑事宜上糜

國帑下切民生必須肅清弊竇惠及災民方足以廣

皇仁而孚衆志查甘省從前捏災冒賑諸弊自乾隆四十
六年大加懲創以後頗知警畏無敢仍前捏冒惟
是甘省地土瘠薄民鮮蓋藏豐收之年少歉收之
年多一遇水旱災傷不能不籌議賑恤辦理旣多
爲日又久不肖官吏熟於其事不恤災民之苦轉
視爲牟利肥己之端總須先事預防早爲杜絕查
歷年報災例由該管道覆勘照例具報藩司藩司

詳總督批准行文查辦清楚然後領餉散給定例
原屬周密近來各州縣往往以急賑爲名徑請徑
放率向藩司稟請不由道府核轉各道果能公正
自居亦自可認真辦理無如積習相沿不能振作
各州縣亦樂於少人稽查便於作弊各道府亦止
冗關推諉從不過問亦無從查悉不過事後照例
移詳其結於是距省遼遠之州縣任意侵冒遠者
如此近亦效尤似此浮冒弊混各道府尚同局外
民間亦何從得悉且現在正值清查不肖州縣或
思乘此機會藉以彌補或因衝途差繁賠累假此

殊

補償少有天良者尚係侵挪辦公而其中難保其

更不可問矣

不用肥已本官既有私圖下至書役鄉保以及地

方奸民愈得肆意舞弊本官亦無敢禁止且弊端

既起慮難掩人耳目不得不委曲周旋以塞其口

甚至過臨上司之書吏丁役人等無不輸情盡禮

囑託照應所有查災散賑各委員亦不免有饋贈

扶同隱飾上下分肥又該管道府及各委員往往

苦於道途寫遠村莊戶口紛繁並不實力確查各

州縣官亦貪圖安逸並不親身周歷散放聽憑書

役串通鄉約地保或浮開人數或虛捏戶口有力

者可串通多領無力者轉無所得又或鄉保代領
書役包散或藉稱紙筆盤費及腳價口食藉端尅
扣並不按人按戶放散災民亦不知誰爲應領不
應領而其實在曾否散放竟不可問是辦災之要
益含糊而弊益叢生總在彰明較著使被災之民
家喻戶曉一有侵漁卽可告發庶貪官墨吏知所
儆懼不敢肆行

臣仰荷

聖恩擢任封疆此種積慣舞弊上冒

國帑下刻民膏言之真令人切恨因而時刻留心廣爲
採訪商畧防弊數事前於借放籽口之時酌擬條

款張示曉諭使百姓周知某某應領若干嚴禁包攬浮冒試行於被災之區頗覺切實現因被旱成災請撥

帑銀百萬兩

國家經費有常民瘼關係至重更當悉心籌畫及早熟計預爲防範凜遵

聖明教諭盡心辦事上可對

君父下可對百姓務得實惠及民

帑無虛費以期仰副我

皇上愛民施惠之意謹將酌議章程另繕清單恭呈

訓示

臣

仍督同藩臬兩司隨時隨地嚴密訪查該管道府

及印委各員倘敢陽奉陰違卽據實嚴叅究辦尚有禁止不周思慮未到之處臨時再行酌增具奏合將現在籌辦緣由恭摺奏

聞謹

奏

謹將酌議辦理災賑章程繕具清單恭呈

御覽

一被災地畝宜著該管道員親身督勘以昭慎重也查州縣地方被災例應遴委妥員會同該州

縣履畝確勘將被災分數按照村莊分別申報
司道該管道員覆行稽查加結詳請具題定例
至爲詳慎惟甘省州縣往往相距數百里至千
餘里不等該管道員每因道途遼遠往返需時
恐逾限期率據印委各員印結加結轉報並不
親身覆查又或慮其浮冒憑空刪駁而各屬慮
刪減早已預先浮開上下相蒙尤非核實之道
此次所有災傷處俱著該管道府親往踏勘據
實核轉如所屬被災州縣較多相距又遠急切
未能分身者許轉稟請委可信州廳各員會同

該州縣確查結報該道府仍嚴密訪察深信不疑始准加結轉報如有率加結報及任意刪減者嚴行叅辦

一散賑宜添設木牌遍掛各堡以杜弊混也查例載地方遇有賑恤該管官將所報成災分數應賑戶口月分先期宣示及賑畢再將已賑戶口銀糧各數覆行通諭本極周詳但向來散賑州縣惟張掛告示將應賑戶口銀糧各數籠統開列僅憑冊錄細數愚民無從深悉底裏侵漁影射之弊由此卽生此次應令散賑各州縣除照

舊出示曉諭外另行置備大牌開明某堡某村
戶口若干應賑銀糧若干逐鄉排列村堡地名
人名填註數目懸掛各村堡適中處所俾民間
家喻戶曉照牌給領倘有書役鄉保人等仍敢
侵漁影射以及藏匿木牌不行懸掛者該民人
等卽可隨時指名稟控俾經手之人無從偷匿
弊混仍責令道府大員親行查察牌內所開戶
口銀糧與原報數目是否相符據實稟報統俟
道府查過後方許撤收臣等仍委員前往將該
員等所掛木牌照抄存於總督藩司衙門以便

與報冊核對庶幾彰明較著弊混可除而災民得沾實惠矣

一散賑宜先散賑票以憑查驗也查散賑處所人數龐雜一時難於辨認恐奸民重複冒混無由稽察應先刊刷連貳賑票填註某鄉村極次貧某戶大小口若干應領銀糧若干並於年月騎縫處鈐印過硃一存根該衙門備查一預給各災戶收執令於散賑之日各帶票查驗照給銀糧設有加賑於票內註明初賑放訖字樣仍隨時將原票給還以憑加賑查驗其未經散票以

前須先彰明曉諭使災民一體周知各索票據
既免奸民冒混之弊亦防鄉保人等勒扣之端
一散賑宜擇地分廠並著大員往來督查以期安
妥也從前查災點戶各事宜俱爲散賑而設此
時辦理尤關緊要應令各該地方官多設賑廠
按村堡戶口之多寡酌中定地勿使窮黎苦其
遠涉間有須渡黃河者亦應相度形勢妥爲籌
辦俾免風波之慮至期卽派原查戶口之員分
赴各廠按牌照票逐名給散先及婦女老幼殘
廢次及壯盛丁男毋得擁擠吵嚷或有本人不

能赴領託戶族親鄰代領者該處鄉保識認卽於冊內及木牌上登註姓名俾有查考其胥役鄉保人等俱不得包攬代領散完後卽於冊內結明總數鈐用圖記硃標年月日旁寫監散官銜名預備上司調查仍著道府大員於開賑之日往來督查毋使稍有差誤

一散賑銀糧宜查點定數以免尅扣也查貧民應領銀糧絲粒皆關生計應令道府大員隨處抽查務使斛面戥頭俱無短少或有以銀易錢給散之處亦俱按照時價足數給散毋得高抬錢

價扣短串頭如有前項情弊卽行叅辦治罪

一查災散賑大小官員均宜潔已奉公以肅官箴而勤民瘼也查例載查勘災賑除現任正印及丞倅等官不准支給盤費外教職縣丞佐雜候補試用等官俱按日支給盤費所帶跟役口糧一體支銷等語推原例意誠以教職縣丞佐雜候補試用等官盤費未免艱難且恐該員等藉稱賠墊轉生弊端是以准其按日支給盤費所以示體恤亦所以絕覬覦至現任正印及丞倅等官俸廉優厚於災務中自備資斧協同查辦

實屬分所當然斷不宜絲毫騷擾轉滋被災地方之累但恐狃於積習以夫馬爲應得視供給爲故常而書吏丁役人等更肆其訛詐勒索該處官吏勉爲承應無可開銷勢必於中浮冒甚至大小各員瞻徇情面未便聲張不得不扶同隱飾種種弊竇難以枚舉不可不嚴加防範此次查辦災賑各員除教職縣丞等官遵照甘省成例官每員日給盤費銀一錢銀役一名日給盤費銀五分官役各給馱騾一頭每頭每百里給腳價銀二錢於存公項下開銷外其現任正

印及丞倅等官一應夫馬供給俱嚴飭永遠裁
除倘該處官吏必欲違例承應此卽分肥染指
之漸責令該管上司據實揚報以憑嚴叅究辦

嘉慶十五年六月十九日

奏正在封摺間接奉

上諭那彥成現在奏請陞見准其於六月內來京瞻覲其
陝甘總督印務著董教增卽前往署理以便那彥成交
卸啟程陝西巡撫印務仍著朱勲護理欽此仰蒙我

皇上俯鑒蟻忱

恩准所請俾得早遂瞻依之願並得早見臣母以遂烏私

感激下忱實難言喻惟查

臣

於五月初四日奏請

陛見時尚在芒種以前甘省地方氣候較遲如能卽沛甘霖夏麥仍可收秋禾尚堪播種不致成災兼因本年冬間有清查錢糧考試武闈等事誠恐不及趕回辦理是以懇請六月進京詎自五月迄今總未普沾透雨旱象已成業將被災情形恭摺專差具

奏在案刻下靖遠鹽茶固原一帶民情尤形惶惑查勘

撫綏事事均關緊要近接陝省來信撫

臣

董教增

於六月初旬方能到陝計至甘省約在月底且災

賑事宜頭緒紛繁係臣任內應辦之事自當一手

經理臣仰荷

聖主鴻施畀以重任當此民瘼喫緊是極時不敢稍事拘泥

遽爾交代起程意存諉卸已飛咨撫臣董教增毋

庸前來謹

奏奉

硃批汝實不愧廣庭相國之孫嘉是覽之另有諭旨

嘉慶十五年六月十九日軍機大臣字寄奉

上諭那彥成奏甘省被旱成災請先行緩徵並撥帑施賑
一摺已明降諭旨均照所請行矣前經降旨准令該督

於六月內來京陛見昨據奏被旱情形卽諭令回甘辦
賑不必急急來京該督尚未接奉此旨今伊另片內卽
計及查勘撫綏事關緊要並不拘泥前准陛見諭旨遽
爾交代起程一面飛咨董教增毋庸前來所見皆是該
督能知事體輕重實不愧爲阿桂之孫其另摺奏稱向
來辦賑積弊所言俱切中窾要朕軫恤民瘼惟恐一夫
失所凡遇請蠲請賑皆立沛恩膏從不少惜帑項惟是
災區人數衆多帑項所給豈能人人贍足卽如此次撥
銀一百萬散給各處計每人所得能有幾何又況不肖
官吏喪盡天良不惟不善爲經理且轉向垂斃饑民奪

其口食擠之溝壑安得不盡法處治如山陽王伸翰一案可爲炯戒該督現在酌擬章程俱係例內應辦之事惟當照單列各條實力奉行不可徒託空言遇有貪官墨吏一經訪查得實立即嚴叅懲辦勿任絲毫染指務令災民均沾實惠該督俟賑務辦完一切俱臻妥協於冬間再行奏請來京瞻覲可也

嘉慶十五年七月初五日

奏爲遵

旨覆奏事竊臣於六月二十五日接奉

廷寄

上諭那彥成奏甘省被旱一摺前因那彥成奏請陞見准於六月內來京瞻覲順便省視伊母令董教增赴甘署理督篆第總督兼轄兩省職任甚鉅自以地方公務爲重今皋蘭十八廳州縣夏禾已多黃萎秋禾尚未播種災象已成其他州縣或受旱於前或得雨較遲西成亦必歉薄又鹽茶地方回民復倡新教煽惑鄉愚此皆係該督應辦要務董教增甫經調任於甘省情形自所未悉且陝省自春徂夏雨水短缺亦間有成災處所係該督本任應辦之事焉能分身兼顧此時計那彥成已由甘肅啟程行抵西安接奉此旨卽由陝西一帶查勘回

甘肅教增卽回抵西安接辦巡撫事務俱先行由驛馳
奏所有臯蘭等處被災較重者著該督先給口糧其成
災分數及他州縣是否成災迅委妥員履勘明確如何
分別蠲緩撫恤由驛馳奏統俟地方諸務辦理完善於
冬底來京展覲亦不爲遲務使窮黎不致失所爲要欽

此_臣跪讀之下仰見

皇上慎重民瘼

訓誨周詳不勝欽佩

_臣

前經奏請於六月中瞻覲

天顏敬聆

聖訓嗣以地方旱象已成一切撫恤查勘事宜緊要是以

不敢拘泥復經奏明暫緩赴京並知會陝西撫臣

董教增亦未起身來甘茲奉到

諭旨早經

聖明燭照事前先期

諭止令冬底來京亦不爲遲並蒙

聖恩垂念

臣

省視私情體恤備至

臣

感佩難名惟有竭盡

血誠將災賑要務實心經理以期仰酬

高厚伏查本年甘省被旱州縣先後具報共有二十四處

業經

臣

奏請緩徵此外尚有毗連處所夏禾均已

無收幸自五月下旬及六月以來各屬陸續大小

不等均得雨澤可以趕種晚秋若接連再霑普雨則秋禾尚可望收現在藩臬兩司及各道府俱已親身分路查勘應俟逐一勘明如二十四州縣之種秋不及業已成災者卽當查明戶口照例給賑而二十四州縣內有現已得雨業經翻種晚禾者或二十四州縣之外又有續報成災者將來或應賑恤或止須緩徵或尚有應行查辦及酌量接濟之處統容臣督同兩司名道細核各處實在情形分別妥辦另行奏

聞日內續經查出得雨較遲夏災稍重之涇州渭源伏羌

永昌鎮原東樂縣丞等六州縣應請

旨同前次具奏臯蘭等二十四廳州縣一體先行緩徵以紓民力六月分各州縣內有幸獲透雨已種晚秋及可趕種者謹開單呈

覽可以少慰

宵旰至各處未經得雨之先被災較重之各州縣

臣業已

遵照定例酌量借給籽口以安人心間有乏食離散及因窖水缺乏四出就水者一經出走無力回歸多在蘭州西寧涼州等處聚集老弱婦女及饑餓生病流離失所實所不免並或糾集乞食或強

借搶竊無災處所亦不免受累自應照急賑辦理
惟一時散給銀錢買食亦屬昂貴給與米糧鍋竈
柴薪一切俱無現在趕緊在適中之地分設粥廠
飭委道府大員督同地方文武各官妥爲撫卹彈
壓預先出示定於散賑之日爲止緣此次非尋常
糞粥爲日太早亦過久不可不示之期限使之早
自謀生或回歸故處如果臨時饑民尚未能卽散
再爲寬限以廣

皇仁俟辦理截止之日統歸賑案報銷此時民間知有
普恩給賑現又

恩在緩徵且分設粥廠得沾

聖澤民情安貼地方亦甚靖謐惟辦理粥廠亦期實惠及民應須彈壓稽查不得擁擠生事亦擬定章程飭令文武各委員遵照辦理條款清摺亦一併呈

覽恭請

皇上指示

臣

統俟將災務辦竣後察看民情安堵別無緊

要事件當卽遵奉

恩旨於冬底趨赴

闕廷敬請

聖訓兼陳地方一切情形臨時再當具奏謹

奏

煮粥章程條款

一此次煮粥原因被旱貧民缺水乏食出走四方無力回歸現距散賑之期尚早是以先爲煮粥撫恤自應先出示定限自七月初一日放賑至十月初一日止約計三月先行曉諭以便各流民明白知悉或得屆期各自謀生或各歸本鄉聽候給賑庶無逗留紛擾之事

一男婦須分廠散放其男丁十五歲以下許隨婦女入廠十五歲以上概入男廠以免混雜

一每日開銷大口糧五合小口糧二合五勺核計糧若干煮粥若干置備大小鐵杓每名應給一杓或兩杓地方官委員營員公同散放其柴薪水火夫工食等酌定數目核實辦理如給炒麵卽照開銷數目公同散給倘有剋扣短少及攙和不堪食用之物立卽嚴叅治罪

一查窮黎領粥人多若每日按人記檔非特紙筆需費浩繁而一時擁擠人衆更書等亦趕寫不及應酌量多寡置備或一尺或八寸長木籌一分上用火焰雙單印記外備五寸或四寸長小

木籌一分如於雙日開廠則於先一日委員訊明姓名年歲何縣人造冊存查每名給雙印大籌一根次早委員在廠門用小籌將大籌換回約廠內能容若干人作爲一次開門放入廠內委員在廠監視收回小籌卽行給粥並換單印大籌爲明晨單日支領粥麵之需旣經領獲由旁門放出廠外委員卽將續換小籌之人照前數復行放入如此散放則廠內旣無擁擠之虞而食粥窮黎已換大籌雙單印記不符不能重領且放籌有數次早煮粥多寡卽可以放籌爲

準委員等稽查人數亦可以取放木籌核實並
新來貧民如有請領粥賑者亦於先一日前赴
委員處問明姓名年歲添入冊內按日給予雙
單籌庶可不致紊混而便稽查

一粥廠全在經手人員辦理得宜應責令本管道
府督同印委各員妥爲布置毋任胥役人等剋
扣滋弊亦毋許流民擾攘爭競致生事端地方
官每五日開摺通報仍由道府核明轉報該委
員仍將該廠一切情形按十日一報以憑查考
一 本年春夏被旱地方貧民乏糧出外謀食者固

屬不少而因旱窖涸無從得水逃散四方者尤多往往遊手好閒藉稱荒旱在外遊蕩滋事之徒亦恐混迹其中並恐有惡棍刁生乘勢滋事不可不預爲防範應須添派城守營及各標營叅遊等官帶領跟役每日先赴廠巡查彈壓每早卽將本日應煮之日米按冊監量方往下鍋若散炒麵亦照數監查倘該營等官懶惰遲延以及有意挑斥許文員稟辦如果米糧之色不好或攪襍糠粃等事許營員據實稟辦該營員將該處情形隨時稟報並炒麵糧色隨稟包呈

十日一報以憑核對仍令嚴行稽查設有犯竊滋擾等事立即按例嚴辦以示懲儆

一入秋天氣冷涼宜在空濶處所酌蓋蓆篷或擇空閒窑屋廟宇俾蔽風雨既得住宿仍分明男女不得攙混並專派年老純正教官早晚照料稽查以免生事

一被旱之區業經

奏明查辦給賑計日即可撫卹且各處多已得雨翻種安分農民聞本籍得雨既已有水可飲或尚有秋禾可望並能就賑斷無不願回歸之理應令

地方官及委員等隨時勸諭俾各回故里早安
生業其無力回籍者地方官計算歸程按月給
予下色糧五合其有不願回歸者卽係不務正
業之人應令地方官詳晰查明遞回原籍以免
聚衆滋事如此分別辦理則良善自分而遊蕩
之徒亦可不致混迹滋事矣奉

硃批覽

嘉慶十五年七月初五日

奏平涼縣詳稱所管白水地方於六月二十二十一兩
日山水陡發淹斃男女四十口冲倒房鋪二百八

十餘間牛羊牲畜亦被冲沒禾苗多有漫淹等情
又據巴燕戎格廳詳稱所管東鄉之纏林爾莊及
西南鄉之朶思加莊等二十三莊堡於六月十九
及二十三二十七等日風雷大作冰雹甚重打傷
一切田禾收成難望又於二十五日南鄉麻爾加
莊夜被山堆壓民房牲畜牛羊現在查勘各等情
具報前來當卽飭該管道府親往查勘另詳核
辦仍卽各照急賑例先爲撫恤窮黎不致失所仰
副

皇上至仁愛民之意所有平涼巴燕戎格二處偶被偏災

雖係一隅中之一隅亦合附片奏

聞奉

硃批覽

嘉慶十五年七月十八日奉

上諭那彥成奏續查甘肅被旱州縣內得雨較遲夏災稍重之涇州等六州縣懇請緩徵一摺前據那彥成奏臯蘭等二十四廳州縣雨澤愆期秋成失望曾降旨將本年應征新舊正借銀糧草束加恩先行緩徵茲涇州渭源伏羌永昌鎮原東樂縣丞等六州縣既據該督續行查明被災較重所有本年應征新舊正借銀糧草束著

加恩一體先行緩徵以紓民力至於擬定章程分別賑卹之處俱著照所擬督飭所屬認真辦理該部知道摺併發

嘉慶十五年七月二十三日

奏爲恭報甘省被災各屬分別查辦情形事竊照本年甘省被旱各屬先後具報共三十廳州縣業經奏請

聖恩准予緩徵並預撥

帑銀以資賑卹嗣因被旱各屬六月間俱已得雨且有深透之處卽夏禾業已被災尚可翻種晚禾究有

秋成可望其中是否成災及成災輕重最宜詳慎
分別現已督同司道各員逐細確查其三十廳州
縣內臯蘭金縣沙泥靖遠紅水隴西會寧安定通
渭寧遠伏羌固原鹽茶靜寧隆德環縣東樂平番
永昌寧州中衛花馬池涇州靈臺等二十四廳州
縣夏禾均已被災其秋禾裸糧或因得雨較遲未
及補種或雖已補種尚未長發自應列入成災數
內但其中各鄉各堡各村莊災傷輕重不等且有
不致成災之處仍須履畝確勘分別辦理其渭源
漳縣鎮原文縣成縣碾伯六縣夏禾雖屬歉收所

種秋禾俱青葱長發應請俟秋成後再行勘辦又
平涼縣被水處所及巴燕戎格廳被雹山土堆壓
處所均已照急賑例先爲撫卹民情亦屬安貼此
外河州狄道西和武威山丹等五州縣續報有被
旱村莊秦州靈州固原岷州禮縣花馬池六州縣
續報有被水村莊隆德華亭西寧靈臺四縣續報
有被雹村莊除固原隆德靈州花馬池靈臺被水
被雹處所統與被旱成災地畝一併查辦外其餘
俱係一隅中之一隅應否緩徵及量加賑卹之處
俟確切勘明後另行辦理至蘭州西寧涼州中衛

等處俱設有粥廠賑濟流民西寧涼州兩處廠內
食粥之人近因各屬已得雨澤有趕回本土種秋
之人亦有因得雨後有水可飲情願回籍之人流
民日見渙散自不必仍舊設廠以致擁聚臣已與
兩司商酌先將此二處流民照例資給口糧令回
鄉里所設粥廠月內即可停止將來被災較重處
所於散賑後加以粥賑者再行察看情形即將此
二處粥廠移於就近災區以廣

皇仁俾貧民盡沾

惠澤臣仰荷

高厚鴻慈受任綦重際此民瘼喫緊目覩流離形狀情實難忍且

皇上不惜百萬帑金救民饑苦身膺民社者若不竭思盡力期於弊竇肅清實惠及民無以對灾黎卽屬辜負

聖明委任是以任勞任怨於貪墨不遺餘力嚴切糾察近日悉心訪求於地方利弊及民間疾苦漸得周知另酌查辦災賑規條通行被災各屬遵照謹將所發規條照繕清單恭呈

御覽

臣

仍率同藩臬兩司各道嚴密查察倘查辦災賑各

官陽奉陰違卽據實嚴叅究辦謹

奏

一查災例有定限自應趕緊查辦但過於匆促必至草率了事現已及早遴委委員會同該廳州縣迅詣災所履畝確勘一面查明戶口將被災分數及極次貧大小口逐加分別仍責令該管道府親身督查以期無濫無遺其地方廣濶人戶衆多之處應由該管道府詳請添委老成諳練之教職佐襍等官幫同分辦仍各將督辦會辦分辦銜名開報以專責成總督與藩臬兩司

仍替換前往抽查如有錯誤惟經手之員是問
一勘災點戶書差需索鄉保冒混種種弊端時時
隨有災民仍無實惠惟各員俱須親身挨查不
得多帶從人亦不得假手胥役鄉保人等竟於
本處紳衿耆老中擇其端方誠實曉事愛臉及
能寫字者數人加之優禮令其隨同報查逐細
上冊則鄉約保長及書役人等均不可用又須
嚴禁從人毋許藉稱查點戶口擅入人家內室
違者立予究處至如此辦法惟在印委各員報
國盡職民受其福不惟公事有益亦免已身失察之處

分且陰福及於子孫循良著於通省是在各人
自爲自勉萬勿苟且塞責致干罪戾

一被災各屬六月間俱已得雨且多深透之處卽
夏禾業已成災尚可翻種晚秋究有秋成可望
其中成災分數最宜詳慎確查分別辦理如夏
禾無收晚秋又未翻種者爲最重夏禾無收晚
禾雖已翻種尚未長發者次之晚禾雖未長發
而夏禾尚有薄收及夏禾雖屬無收而晚禾可
望有收者又次之其夏禾收成在五分以上及
夏禾收成不及五分而所種晚秋較多現已暢

茂者俱不得濫報成災

一旱災惟高阜山地受傷較重若低窪近水處所雖得微雨亦資潤澤或有溝渠溪河諸水可以灌溉田禾尚有可收不宜冒濫入賑印委各員於查災時卽須分別辦理其稍有存糧者不至濫邀則其實在乏食者均沾實惠切宜詳慎

一甘省貧民蓋藏本鮮現值荒歲度日皆難論貧乃無所不極應以人口衆多而地畝全荒者爲極貧人口本少而地畝尚有薄收者爲次貧其鰥寡孤獨疲癯殘疾貧民須格外體恤酌量加

給入冊戶口有病故者不可除扣至於紳衿舖戶商賈書役以及肩挑貿易手藝營生不致失業者均不得冒濫至災地貧生委係赤貧者該教官預查造冊轉送州縣以憑一體查辦

一貧民中難保無奸狡之徒藉端舞弊混如各屬交錯地方各員應預先議定過一處卽查一處均親身督令紳耆等開造戶口當下入冊卽立寫照票對票書押發給一面各相知會以免路途迂折且事經公正紳耆主報自可免重疊冒領及一家冒分兩家或別有營生冒稱被災農戶

之弊

一賑前散票官民均據此爲憑不特吏役鄉保人等無從侵扣亦使地方奸民無從冒混但若俟查點戶口後另行散給又生弊端已飭印委各員於查賑前刻出冊式臨時填註先寫村名戶名某戶務農災地幾何應賑某戶何項營生不給賑其應賑者查明大幾口小幾口隨寫連二票一爲照票一爲對票隨時填冊隨時寫票卽於二票騎縫處鈐印書押分開當下將照票散給令候示領賑總須查清一村卽散給一村之

票官民兩便更須將該村戶口及應賑數目隨時書榜粘貼或木或席懸掛村口使家家知曉尤爲周密

一賑銀攜帶既多委員又無照料應通知本營汛武官派人護送卽隨同驗放之道府大員稽察如賑銀過境亦派弁隨行護送以昭慎重

一春間各屬散放籽種口糧飭令置備木牌懸掛使民間一律周知已具奏辦理在案此次放賑尤宜切實奉行須於放賑一月前按照村堡戶口核對照票對票照前定式樣書寫木牌送道

府委員核明卽派妥人將木牌送交該村堡矜
耆看守懸牌並先詢道路遠近迂捷先期定某
日放某村某堡不可爽約以便臨期赴領無悞
仍將木牌並冊同抄稟報冊與照票對照票與
對票對對票又與木牌對公同散給所掛木牌
仍須道府親臨查過後方許撤收

一前次各屬報放籽口但稱於各村堡適中之地
懸牌散給未報明幾村幾堡之適中往往惜費
畏難令貧民遠涉偏僻處所或竟不得知卽知
亦因盤費艱難不肯親身赴領吏役鄉保人等

遂得因之中飽應飭令適中之地不得過三堡
地界遼濶者一二堡亦可

一被災貧民逃荒赴各路謀食者在在多有西寧
涼州設廠處所聚集尤多應先定賑期開列應
賑某某地方通飭各屬均令出示曉諭俾各流
民知本處散賑及早歸領免致留滯他鄉實在
饑餓不能行走者仍照例資送

一此次應賑各屬倉糧所存無多不敷動用卽有
糧之區亦須留備今冬明春平糶除靈州中衛
東樂等處擬以本色給散外其餘應概賑折色

查向來折色賑銀多係易錢給發以便貧民零用但僻小地方錢文未易猝辦而錢商往往乘勢勒捐甚或串通書役鄉保舞弊剝削亦爲一蠹此次應明飭各錢鋪當行將賑銀當堂平準領去按照極次貧大小口數兌準包封封面註明銀數字號鈐用圖記並註明內包若干合時價換錢若干其錢價亦須本官核定出示不得任鋪戶隨意增長所有錢價亦應稟明上司查核貧民領去銀兩如有短少准將原封呈驗罰令該鋪戶加倍補給仍治以應得之罪如已開

封者不准索補免致勒措爭執

一賑銀令舖戶包封後每一村彙爲一總封由道府抽查畫押各員領至懸牌適中處所會同本汛營員並傳同前次查報之衿耆按照各村莊次第開封散給先遠後近先婦女老弱殘疾次及壯盛丁男毋使擁擠停留每一村散畢卽令該處衿耆帶回總須於本日內將應放各村莊一併散畢不得越宿亦不宜太晚旣免守候亦防生他故也

一查災散賑不可委一人此時飭各員查清具報

後仍另派人散賑查災之人不得經手銀錢散賑之人不得更改冊票如有遺漏及應改應補之戶許散賑之人於冊內註明俟道府查時再行補辦

一外出人戶有聞賑歸來者到時參差不齊旣難零星覆查傳喚認識亦多紛擾應令印委各員於查點戶口時遇有遺留空屋空窩問明本處矜耆鄰佑人等此戶係何姓名男女大小幾口何時外出另冊登記報明各上司以便歸來日核對毋使舛錯遺漏仍派明白委員及老成紳

士或在城中或於通衢要路設一公所凡有聞賑歸來者許赴公所隨時具報核對原冊一一相符卽給票准領冊內無名者或係冒領或一時漏報另行查明辦理

一查賑時老病孤寡各戶不能親身赴領或當下問明本人將來託何人來領細心註明散放時告明紳士實在認識方准給發其代領之人亦不得過三戶又或查時未病查時在家臨時有病及偶因事故外出者亦須對衆交明在場各紳士爲妥

一災賑應靜候印委各員勘查散放如有土豪地棍及鄉保莊頭人等號召愚民連名遞呈冀冒災賑或於查勘散放時暗使婦女成羣結隊混行闖鬧者卽將爲首及夫男嚴拏詳究毋稍寬縱

一查災散賑委員除現任正印及丞倅等官例不給盤費外其餘候補試用及教職佐雜等官俱照例給予盤費所帶跟役一體支銷毋許絲毫擾累地方如有需索供應及得受銀錢者官則嚴叅役則重處又書胥鄉保人等雖不令伊經

手賬務究難免書寫及隨同奔走之勞未便令其枵腹從事自應酌給口食俾免賠累如有藉稱辦災紙筆及承辦官員差使向民間勒派錢文者察出從重究辦

嘉慶十五年八月初七日軍機大臣字寄奉

上諭那彥成奏查辦甘省被災各屬情形一摺甘省被旱成災各地方前據那彥成兩次奏到節經降旨緩徵外其應行分別賑卹之處該督卽應上緊查明以憑續降恩旨至其餘尚有續報被水被雹及山土堆壓處所以及續報被旱地方那彥成一據稟報之後亦卽應迅速

查明將如何施恩撫卹之處分別具奏請旨以安衆心
乃今日那彥成之摺祇敘稱查辦情形並酌擬規條進
呈而於應辦賑卹事宜全未之及小民流離失所望澤
孔殷朕屢念災區惟欲早覃恩澤似此空言奏報於實
惠奚裨且閱伊單內規條亦尚有未善之處如查點戶
口一節向止責令地方官委員查勘今那彥成忽欲令
本處紳衿耆老隨同點查其意自以不肖官員浮開侵
賑舞弊煩多如上年江蘇省之王伸翰卽其明證因欲
矯而爲此以杜弊端殊不知紳耆中亦不皆誠實可靠
倘或挾私舞弊亦可將其親戚相好之人意爲朦混甚

或浮開戶口圖便已私隱匿侵吞均屬事之所有將來紛紛上控告案更多辦理多有窒礙殊可不必那彥成惟當遴派賢員妥爲經理並隨時嚴禁弊竇有犯必懲則貪吏奸胥自然斂戢毋庸因噎廢食此旨到後著速將臯蘭三十州縣以及渭源平涼河州等各處災分輕重賑濟緩急應如何請旨之處速行分晰奏明毋再延延

嘉慶十五年八月初十日

奏爲請

旨修理急工城垣以工代賑事竊臣於本年五月准工部

部咨奉

旨事理粘單內開嘉慶十三年甘肅咨報文內聲明固原
州涇州隴西縣寧遠縣洮州廳寧夏滿城西固州
同崇信縣安化縣貴德廳十處城垣被雨坍塌損急
應修理今查嘉慶十四年咨報業經委員勘估俟
造冊至日另案辦理應令陝甘總督作速取造冊
結具奏辦理等因自應遵照趕緊飭造估冊確核
辦理惟固原等十處城垣若同時興修需費在一
百萬兩以外未免過多應擇其坍塌過甚者預籌
款項先行估修既於公事有裨兼可以工代賑查

皋蘭縣固原州二處城工久在急修之列臣於嘉
慶九年署陝甘總督時因經費不敷

奏請暫緩興修迄今又歷四五年之久前項城垣續又
坍塌必須乘時補修除奉部飭修之涇州隴西寧
遠洮州寧夏滿城西固州同崇信安化貴德九處
城垣尚可暫緩興修外所有皋蘭固原二州縣現
在具報城身腋裂土牛坍塌情形較重保障攸關
難以緩辦且皋蘭固原二處本年田禾被旱現經
奏請

聖恩賑貸並施今歲九十月放賑冬間可以支持明正有

特恩普賑一月亦可無虞饑餓臣認真督辦似可實惠均

沾惟於來春青黃不接之時餬口維艱亦須預爲

籌畫

臣

與藩臬兩司會同酌議所有該二處城垣

應卽乘時估辦先將需用各料置備齊全至來春
開凍後便可興工修理俾貧民得赴工趁食卽以
工代賑實屬一舉兩得其所需工料銀兩約計三
十萬兩上下現在通盤籌計似不必再動司庫銀
兩卽將前請辦賑銀一百萬兩內有秋田可望勘
不成災無需給賑之存餘銀兩給發修城費用如
有不敷再行

奏請添撥現派委員據實勘估仍飭藩司會同蘭州平慶二道速爲親勘摺節確估俟估有定數另行具奏合先將現在籌議情形奏明請

旨如蒙

俞允卽添派委員飭令皋蘭固原二州縣先將各項物料趕緊置辦齊全一俟來春開凍卽開工興修臣仍親身督查務令工歸實用不使少有浮冒以期有裨要工並可以工代賑謹

奏

嘉慶十五年九月初八日奉

上諭那彥成奏請修理城垣以工代賑一摺據稱甘肅固原等各州縣均有應修城工業經報部除涇州等處尚可從緩興修惟阜蘭固原二處城身腋裂亟宜趕修等語阜蘭固原城垣坍塌過甚自難緩辦且本年該處田禾被旱現雖加恩賑濟而來春青黃不接之時必須預爲籌畫著照那彥成所請於來年開凍後卽行修理阜蘭固原二處城垣以工代賑俾貧民得資餬口至該督等估需工料銀約計三十萬兩請在辦賑銀一百萬兩內動支之處亦照所請行該部知道摺併發

嘉慶十五年八月十八日

奏爲災重糧貴處所酌擬煮粥平糶撥糧接濟事竊臣

前將設廠煮粥安輯流民緣由節次

奏明在案嗣因各屬俱已得雨又屆查災點戶之時流
民多半思歸應卽給予口食資令回籍免致流滯
擁聚將涼州西寧二處粥廠撤收

奏明移於災重之區安設伏查甘省居民本無餘蓄現
在被旱較重處所如皋蘭靖遠安定會寧鹽茶等
處田禾無收糧價騰貴災民多將麥草及各種草
根等物磨研充食其中疾病黃腫因而致斃者不
少卽素有營生之戶亦苦於貴糴度日維艱况甘

省之所謂富民不過在本地爲差強蓋藏本虛現
今富戶轉眼卽爲貧民是貧民亟須拯救有力之
戶亦須預爲調護臣與藩臬兩司再四熟籌並據
兩司會詳現在饑民待哺迫不及待分設粥廠極
貧得資餬口稍爲有力之家未便與貧民一體給
賑而日漸艱食亦應急於籌畫惟平糶一節於通
境民食有濟於

國帑無損

臣

等實力督同辦理似可實惠及民兩有裨

益現據臬鹵中衛二處本設粥廠毋庸撒收外查
有臬鹵之水北河地方與金縣沙泥紅水等處毗

連靖遠屬之打拉赤地方與會寧安定等處毗連
靈州屬之同心城地方與鹽茶固原等處毗連該
數處被災較重應分設粥廠使附近災民俱得就
食庶可免於溝壑但現在煮粥各州縣倉貯本屬
無多且應留備各該營汛兵糧之用不可動用必
須籌運口糧前往方可接濟無悞查向來省城需
糧均在附近之西寧涼州等屬撥運應請酌撥西
寧倉貯糧石由水道運省較爲捷便惟冬令水落
冰凍不能挽運並請於稍近省城之狄道原武鎮
番等州縣由陸路撥運糧十餘萬石以爲搭放賑

糧及現在煮粥之用至所需水陸腳價前經

奏明在於所請賑銀內動用開銷但水運腳價稍省陸

運則因糧價日昂無論駝驢人工口食腳價較往

年加倍

臣

等忝膺民社目覩災黎流離疾病日漸

加增惟以早得一日之糧則民早獲一日之生自

不暇於腳價鰓鰓慮及但通盤籌算亦須統而計

其長久此項腳價既未便額外開銷致違定例又

未便令地方官賠累致滋藉口

臣

愚昧之見現在

糧價昂貴雖減價平糶計所得價值除俟豐收買

補歸倉之外當有贏餘卽以此貼給陸運不敷腳

價設尚有不敷臣等自願公捐養廉貼補其平糶糧價銀兩俱提貯司庫以杜侵挪留備將來買補歸倉嗣後查看情形他屬或有應行平糶亦須就近撥糧之處俱照此撥運辦理臣仰荷殊恩畀以封疆重任惟有仰體

皇上不使一夫失所之至意一刻不敢自安於災務實心督率設法辦理務期室皆安堵民無向隅藉以仰荅

昇平卽以稍圖報稱如各屬不能實力奉行或更從中舞弊亦卽隨時密查嚴行叅辦謹

奏奉

硃批依議辦理務得實濟

嘉慶十五年八月十八日

奏

臣

接准四川督臣河南山東湖南撫臣來咨所有各

該省遵

旨撥解甘省賑銀俱已委員押解起程來甘河南於七月初五初七日起程山東於七月初三日起程四川於七月二十二二十八日起程湖南於七月初九日起程除河南頭二批銀兩據報已入甘境外其餘計程亦俱入陝境

臣

檄飭沿途各州縣營汛撥派

兵役催趲護送前進約於九月底便可到齊現在
趕緊查清災區戶口一俟到齊卽當遵照屢次奏
定章程實力督放俾窮民速沾

聖恩早免饑餓謹

奏奉

硃批覽

嘉慶十五年八月二十五日

奏爲遵

旨覆

奏事竊

臣

於八月二十日恭奉

諭旨因

臣

所奏查辦甘省被災各屬情形一摺祇敘稱查

辦情形並酌擬災賑規條進呈而於應辦賑恤事宜全未之及似此空言奏報於實惠奚裨且單內規條如查點戶口一節欲令本處紳衿耆老隨同點查辦理多有窒礙殊可不必惟當遴派賢員妥爲經理並隨時嚴禁弊竇有犯必懲則貪吏奸胥自然斂戢此旨到後速將阜蘭三十州縣以及渭源平涼河州等各處災分輕重賑濟緩急應如何請旨之處速行分晰奏明毋再延緩

欽此仰見

皇上痼癢在抱

燭照如神又蒙

訓示周詳使

臣

頓開聾聵恐懼悚惶之下感激倍深伏查

本年甘省被旱各屬阜蘭等共三十廳州縣嗣因
六七月間俱得雨澤且多深透之處卽夏禾業已
被災或尚有秋成可望其中是否成災及成災輕
重不可不加之詳慎此外又有續報被旱被水被
雹及山土堆壓處所亦不得不確切勘明分別辦
理未敢稍致遺濫是以於應辦賑卹事件奏報稍
遲茲臣督同司道各員逐細查明除渭源漳縣鎮
原文縣成縣碾伯六縣前經

奏明秋成勘辦業已出示緩徵外又寧遠伏羌永昌涇
州環縣東樂縣丞六處夏禾收成雖歉秋禾長發
可望有收業經緩征民力不至拮据惟皋蘭金縣
靖遠沙泥紅水隴西安定會寧通渭靜寧隆德固
原鹽茶靈臺平番靈州中衛花馬池等十八廳州
縣夏禾均已被災其秋禾襍糧未及補種卽間有
補種者亦未能長發實已成災自五六七分至八
九分不等內有被旱後復被雹水之隆德固原靈
臺靈州花馬池等五州縣各村莊併入被旱災區
辦理均照例先行普賑一月口糧以資接濟現在

河南省撥解賑銀業已到甘不日查明即可趕緊給散仍俟確查成災地畝分數極次貧戶再行照例加賑至夏禾被旱之武威山丹二縣及被雹山土堆歷之巴燕戎格廳又有續報被旱之古浪縣田禾受傷雖勘不成災收成究屬歉薄應仰懇

天恩將巴燕戎格武威山丹古浪四廳縣應徵新舊正借銀糧草束緩至來年麥後徵收以紓民力又平涼縣被水冲淹人畜房屋及被淹生存戶口均已照急賑例妥爲撫卹其被水較輕之秦州岷州禮縣各村莊亦隨時著給口糧以資接濟至被旱之河

州狄道西河三州縣被雹之華亭西寧二縣並不
成災無庸查辦以上被水雹各州縣業已分別妥
爲辦理可以仰慰

宵旰八月內惟洮州廳續報於初七日被水冲淹人畜房
屋田禾情形頗重一面先照急賑例卽行撫卹以
安民心仍俟勘明被冲地畝是否成災另行辦理
所有各屬被旱被水被雹情形分別輕重及已辦
未辦之處除現在另疏具

題外謹繕清單恭呈

御覽再被災處所實在極貧戶口及聞賑歸來之流民雖

給領糧銀尚不足資餉口前經臣

奏明於被災最重及災區適中之臯蘭中衡水北河同心城打拉赤等處地方分設粥廠現計每日每廠就食貧民少者數千人多至萬有餘人俱含哺鼓腹感頌

皇仁嗣後自必陸續增添再屆寒冬雖有賑卹銀糧恐此數處粥廠亦未可卽撤統俟屆時再查看情形辦理現在細訪各災民得有粒食病餓者氣已蘇緩至糧價昂貴應行平糶處所臣俱由各處設法運糧開糶以平市價各屬乏食貧民及逃荒流民均

已安輯卽稍有生計之戶亦因現在平糶市價頓減得免於貴糴民情俱屬靖謐足以仰慰

聖懷至

臣

前擬規條原有鑒於自來冒賑之弊是以乘查

災未賑之前採訪輿論與各官細心斟酌定議然臣等究係見事拘淺轉恐爲不肖官吏朦蔽以致實惠不能及民故敢干冒

聖聽瑣細奏

聞希得仰邀

皇上訓教幸有遵循今蒙

聖明指示紳耆中不皆誠實可靠倘或挾私舞弊辦理尤

殊

多窒礙

臣

始知前此愚昧之見實係矯枉過正不

此四字為汝一

勝愧悚

臣

仍傳宣

聖訓通省各官無不敬服感激惟當恪遵

諭旨遴員經理嚴禁弊竇有犯必懲仍時時留心續有見
聞熟商妥協辦理務使貪吏奸胥盡行斂戢災區
貧戶悉慶生全以期仰副我

皇上厯念民艱不使一夫失所之至意謹

奏

謹將甘省被旱及偏被雹水之各廳州縣業已賑
卹緩徵與應待查明辦理及俟秋成勘辦並無庸

查辦等處分晰開具清單恭呈

御覽

皋蘭縣 金縣 靖遠縣 沙泥州判 紅

水縣丞 隴西縣 安定縣 會寧縣 通渭

縣 固原州 鹽茶廳 靜寧州 隆德縣

平番縣 靈州 中衛縣 花馬池州同

靈臺縣

以上十八廳州縣或災較重現應先行普賑

一月一俟各省銀兩到來不日即可給散

渭源縣 漳縣 環縣 碾伯縣 文

縣 成 縣 寧遠縣 伏羌縣 永昌縣

涇 州 鎮原縣 東樂縣丞

以上十二處被災較輕業已出示緩徵訖

武威縣 山丹縣 古浪縣

以上三處被旱不至成災應請

旨緩徵

巴燕戎格廳

以上一處被雹又被水衝山堆人畜受傷情

形較寬業已照急賑例撫卹民間漸已安

業仍應請

旨緩徵

平涼縣

以上一處被水衝壓人畜受傷緣被災不寬業已照急賑例撫卹民間俱已復業無庸緩徵

秦州岷州禮縣

以上三處被水稍輕業已給口糧接濟訖

河州狄道州西和縣華亭縣西寧縣

以上五處被旱被雹並不成災無庸查辦

洮州廳

以上一處續報被水衝淹人畜房屋田禾業
已照例急賑仍俟勘明被衝地畝是否成
災另行辦理

嘉慶十五年九月初九日奉

上諭前經降旨令那彥成將甘省被災各州縣分輕重賑
濟緩急應如何辦理之處速行具奏請旨茲據那彥成
奏甘省本年夏禾被旱之皋蘭縣等三十廳州縣此內
有業經緩徵民力不致拮据者惟皋蘭等十八廳州縣
成災五六七分至八九分不等已先行普賑一月口糧

將來再行加賑至此外尚有夏禾被旱之武威山丹二縣及被雹並山土堆壓之巴燕戎格廳又續行被旱之古浪縣田禾受傷雖勘不成災收成究屬歉薄等語著加恩將巴燕戎格武威山丹古浪四廳縣應徵新舊正借銀糧草束一例緩至來年麥後徵收以紓民力又摺內續據查有被水州縣輕重不等除平涼縣洮州廳二處該督已照急賑例撫卹又秦州岷州禮縣各村莊亦已隨時酌給口糧外此內有無成災之處並著該督再行據實查明奏聞辦理不可少有諱飾

嘉慶十五年十一月初一日

奏爲甘肅夏禾被旱各屬現屆秋成勘明無庸給賑及
仍應緩徵同續報秋收歉薄之各州縣請

旨一體緩徵事竊查甘省各屬夏旱成災先經奏奉

恩旨將皇蘭金縣等十八廳州縣給予賑卹並將勘不成
災之渭源漳縣寧遠伏羌環縣山丹東樂武威永
昌碾伯文縣成縣涇州鎮原古浪等十五州縣縣
丞先後

題奏請

旨緩徵聲明俟秋成勘辦其河州狄道西河三屬州縣未

入緩徵續經

奏明在案茲據藩司陳祁臬司積朗阿詳稱查得渭源
漳縣等十五屬夏禾被旱較輕各該處續得雨澤
或翻種晚禾或補種裸糧現已陸續登場據報秋
收均在五分以上先已奉准緩徵民力稍舒毋庸
另行給賑其狄道河州西河三屬除西河秋收六
分以上毋庸緩徵外惟狄道夏旱後其東西二鄉
秋禾被雹者三十村莊河州夏旱後其東南北三
鄉秋收歉薄者六十村莊以上二州前此察看情
形毋庸查辦現在收成究薄應仍一併緩徵又續
報秋禾被災者八屬內平涼縣四鄉夏間被水後

續又被雹者八十七村莊華亭縣四鄉被雹被水者七十四村莊莊浪縣丞四鄉被水者五十四村莊崇信縣東西北三鄉被雹者五十五村莊撫彝廳南鄉西海被旱者五渠鎮番縣四鄉被旱者九十四村莊肅州州同四鄉被旱者一十六村莊毛目縣丞四鄉被旱者四村莊以上秋成勘辦同續報秋災者共一十屬俱經查勘屬實應請均予緩徵以紓民力所有夏旱緩徵之渭源寧遠等十五屬及秋收歉薄之狄道河州等一十屬仍俟冬春之交照例給予籽種口糧另容查辦等情詳請具

奏前來臣復經督飭道府覆勘無異查已經緩徵之渭源漳縣等十五州縣秋收五六七分不等民力稍紓自可毋庸給賑其未經緩徵之西河縣秋禾六分以上亦無庸緩徵外惟狄道河州二屬夏田不致成災雖經續

奏無庸查辦今已逐細分別查明所有該二處被雹及歉收之村莊應請分別緩徵至續報偏被秋災之平涼華亭莊浪縣丞崇信撫彝鎮番肅州州同毛目縣丞等八屬仰懇

皇上天恩一體准予緩徵其新舊正借銀糧草束均緩至

來年麥後徵收以紓民力至先後緩徵之各廳州
縣_臣仍督同司道察看情形俟冬春之交照例給
籽種口糧俾貧民得資接濟無悞春耕以仰副
聖主軫念民依至意再前次奏奉

諭旨飭令查明平涼洮州秦州岷州禮縣等五屬有無成
災據實奏辦等因除平涼夏間被水先經照例急
賑現復請予緩徵外查洮州被水已照急賑例撫
卹該廳向係不種晚禾但已給予口糧可資接濟
秦州岷州禮縣俱已酌給口糧以上三屬秋收不
致歉薄同洮州廳均可毋庸緩徵合併陳明謹

奏

嘉慶十五年十一月初十日奉

上諭那彥成奏甘省續報秋收歉薄之各州縣懇請緩徵一摺甘省狄道州等處自趕種秋禾後或被雹被旱被水收成歉薄閭閻不無拮据所有狄道河州平涼華亭莊浪縣丞崇信撫彝鎮番肅州州同毛目縣丞等屬被災各鄉莊著加恩緩徵其新舊正借銀糧草束緩至來年麥後徵收用紓民力該部知道摺併發

嘉慶十五年十二月十三日

奏爲查明甘省各屬普賑加賑散放將次完竣所有動

用銀糧數目恭摺奏

聞事竊甘省阜蘭金縣等十八廳州縣本年夏旱成災蒙
恩准撥各省餉銀一百萬兩解甘賑卹經臣將核實查辦
情形先後

題奏在案嗣各省餉銀陸續到齊戶口賑票亦已散竣
隨飭藩司陳祁核明銀數與在省司道公平彈兌
次第運往臣復專派道府大員分投前赴各州縣
督令委員等將銀當堂剪夾會驗包封按照

奏定章程查對賑票木牌認真散放查九月分普賑十
月十一月加賑俱已散畢現卽續放十二月加賑

據藩司查明普賑加賑動用銀兩及倉貯糧石詳請覆

題前來

臣

覆加查核九月分普賑不論成災輕重十月

十一十二三個月加賑各按成災之輕重及貧民之極次分別散給計普賑共用糧八萬七千九百六石零又銀二十三萬七千八十七兩零加賑用糧七千七百一石零又銀三十三萬三千七百八十一兩零內除倉貯有糧之州縣因留備次年兵糧是以加賑用糧少而用銀多又此外平涼靈州花馬池三屬被水賑卹用銀一千一百九兩零合

之各屬普賑加賑除糧石不計外通共用銀五十
七萬一千九百七十八兩零所有總細數目另繕
清單恭呈

御覽尚餘銀四十二萬八千兩零內除去各屬安設粥廠
運糧平糶等項約計需銀十餘萬兩及

奏准撥用阜蘭固原二處城工銀三十萬兩外合計原
撥銀一百萬兩儘足敷用至散賑各處臣仍卽親

履稽查務期實惠及民剔除積弊再各屬粥廠臣

原奏聲明以放賑之日截止緣本地貧民及外來
就食者絡繹不絕交冬更多現查阜蘭之河北水

北河二處靖遠之打拉赤一處及由中衛移至靈州同心城一處又花馬池新設一處每處貧民自一萬至一萬五六千名不等當此饑寒交迫之時實未便遽行撤除致有饑餒各廠旣未停止其應用銀糧數目急切亦難截算理合一併

奏明仍俟來春察看情形於撤廠截數之日另行確核具報至廠中饑民甚有赤身受凍者殊堪憫惻

臣

與司道等已捐備氈衣氈褲數萬套分別散給並於各廠搭蓋草棚或向陽處所多挖窖洞以資棲止現在窮民得免饑寒均屬靖謐堪以仰慰

聖懷謹

奏奉

硃批戶部知道

謹將各州縣普賑加賑戶口銀糧數目開繕清單

恭呈

御覽

阜蘭縣被災六七八九分

共戶五萬九千三百八十七戶內

大口二十二萬三千二百四十三口

小口一十五萬四千六百六十二口

普賑糧四萬三千五百八十三石二斗三升

加賑銀四萬四千四百七兩四錢一分七釐五

毫

金縣被災六七八分

共戶二萬一千三百八十九戶內

大口九萬二千一百七十三口

小口六萬五千九百四十六口

普賑銀一萬八千一百四十六兩一錢七分

加賑銀一萬七千一百三十六兩四錢七分五

釐

沙泥州判被災六七八分

共戶二千二百四十四戶內

大口八千八百一十九口

小口五千五十八口

普賑銀一千六百四十五兩四錢六分

加賑銀二千一百一十五兩八分五釐

靖遠縣被災六七八九分

共戶三萬七千三百七十四戶內

大口一十四萬四百一十口

小口九萬一千四百六十七口

普賑一半本色糧一萬三千四百九十五石四
斗三合七勺又一半折色銀一萬三千四百
九十五兩四錢三釐八毫

加賑銀二萬八千六十九兩七錢六分二釐五
毫

紅水縣丞被災八九分

共戶六千七百七十一戶內

大口二萬五百二十口

小口一萬四千七百二十四口

普賑銀四千四十二兩八錢九分

加賑銀五千七百九十五兩三錢四分二釐五毫

隴西縣被災五六七分

共戶一萬七千一百五十九戶內

大口六萬五千一百七十四口

小口四萬八千一十四口

普賑銀一萬二千九百三十一兩二錢四分五

釐

加賑銀一萬二千三百七十二兩四錢六分五

釐

會寧縣被災七八分

共戶三萬六千七百八十八戶內

大口一十一萬六千四百七十四口

小口五萬一千七百五十口

普賑銀二萬六百三十七兩三錢四分二釐五毫

加賑銀二萬二千四百七十七兩二錢九分二釐五毫

安定縣被災七八分

共戶一萬二千六百九十一戶內

大口五萬五千八百八十六口

小口三萬六千六百八十六口

普賑銀一萬七百六十三兩二錢五釐

加賑銀一萬一千九百七十五兩八錢五分七

釐五毫

通渭縣被災六七八分

共戶二萬四千八百五十八戶內

大口七萬九千九百九十五口

小口四萬八千四百一十四口

普賑銀一萬五千一百九兩二錢九分

加賑銀一萬五千六百三十二兩三錢

固原州被災五六七分

共戶七萬二千四百七十九戶內

大口一十七萬五百三十七口

小口一十萬五千四百六十口

普賑銀三萬三千七十三兩七錢一分五釐

加賑銀二萬七千五百四十四兩七錢一分

鹽茶廳被災七八九分

共戶五萬四千一十五戶內

大口二十一萬八千二十六口

小口一十二萬六千二百二十八口

普賑銀四萬七百六十五兩三錢

加賑銀四萬九千三百六十八兩四錢一分

靜寧州被災七分

共戶三萬八千七百六十戶內

大口一十五萬一千五百九十五口

小口一十萬一千一百五十一口

普賑銀二萬九千三百一十四兩七錢二分二

釐

加賑銀三萬七百六兩五分五釐

隆德縣被災五六七分

共戶一萬八千九百一十七戶內

大口七萬五千二百九十二口

小口五萬一千七百九十八口

普賑銀一萬四千六百七十二兩六錢九分五

釐

加賑銀一萬五千九十九兩五錢七分

平番縣被災五六七八九分

共戶一萬二千六百六十六戶內

大口四萬五千六百七十口

小口三萬六百三十八口

普賑糧八千八百四十三石四斗五合

加賑銀八千六百四十六兩八錢四分五釐

靈州被災八九分

共戶二萬三千四百五十八戶內

大口八萬五千六百五十口

小口六萬四千四百七十二口

普賑糧一萬七千九十三石四斗七升

加賑銀一萬七千八百一十八兩六錢八分七

釐五毫

中衛縣被災八九分

共戶五千七百八十三戶內

大口二萬五千四百六十口

小口一萬六千五百三十七口

普賑糧四千八百九十石六斗三升二合五勺

加賑糧七千七百一石六斗二升五合

花馬池州同被災八九分

共戶一萬三千三百八十三戶內

大口五萬七千四百六十口

小口一萬二千五百六十口

普賑銀九千二百四十二兩三錢

加賑銀九千六百五十三兩四錢四分二釐五

毫

靈臺縣被災七八分

共戶一萬八千二百二十九戶內

大口七萬三千四十九口

小口四萬六千二百八十二口

普賑銀一萬三千九百四十七兩五錢五分

加賑銀一萬四千九百六十一兩八錢八分二

釐五毫

以上普賑九月一個月無分極次貧民

共糧八萬七千九百六石一斗四升一合二
勺又銀二十三萬七千八十七兩二錢八
分八釐二毫五絲

加賑十月十一十二三個月分別極次貧民

共糧七千七百一石六斗二升五合又銀三
十三萬三千七百八十一兩六錢

又平涼縣被水賑卹銀四百四十九兩五錢五
分

靈州被水賑卹銀五百七十二兩七錢五分

花馬池被水賑卹銀八十七兩五錢

以上通共用糧九萬五千六百七石七斗六
升六合二勺用銀五十七萬一千九百七
十八兩六錢八分八釐三毫

嘉慶十五年十二月十三日

奏爲欽遵

諭旨查明緩徵賑卹地方應行接濟以廣

皇仁恭摺覆

奏事本年十月二十九日承准軍機大臣字寄嘉慶十

五年十月十七日奉

上諭本年甘肅皋蘭等三十三廳州縣夏禾先後被旱又
武威山丹二縣巴燕戎格廳及山土堆壓田畝成災又
續查之平涼縣洮州廳秦州岷州禮縣各村莊被水節
經隨時加恩分別蠲緩賑卹小民餬口有資第念來春
青黃不接之時民力不無拮据傳諭體察情形如有應
行接濟之處迅卽詳查據實覆奏候於新正降旨加恩
欽此仰見

聖德如

天至優極渥臣等曷勝欽感當卽行司欽遵查辦茲據藩
司陳祁臬司積朗阿會詳稱查得甘省本年夏秋

被旱被水被雹並山土堆壓田畝勘不成災已未
緩徵及附近災區之各州縣雖被傷較輕民力未
免拮据俟冬末春初察看情形分別酌借籽種口
糧足資接濟外其勘明成災之阜蘭金縣沙泥靖
遠紅水隴西會寧安定通渭固原鹽茶靜寧隆德
平番寧州中衛花馬池靈臺等一十八處受傷較
重現在雖已照例賑卹來春青黃不接之時民力
仍不免拮据請將阜蘭等一十八處被旱被水村
莊無論極次貧民查照本年九月分普賑戶口請
旨賞給一月口糧仍俟春間酌借籽種口糧以資接濟等

情前來臣復查甘省本年各屬除勘不成災已未
緩徵之處被災較輕及附近災區之各州縣應俟
冬春之交照例酌借籽種口糧毋庸另辦外惟成
災之皋蘭金縣沙泥靖遠紅水隴西會寧安定通
渭固原鹽茶靜寧隆德平番靈州中衛花馬池靈
臺一十八廳州縣被災均屬較重節經緩徵賑卹
仰荷

恩慈無不共慶生全同聲感戴但來春青黃不接之時民
力實不免拮据臣等欽遵

恩旨察看情形不敢不據實覆

奏惟有仰懇

皇上天恩俯准按照本年九月普賑戶口

賞給一月口糧俾窮民得有接濟益沐

皇仁仍於春間照例另借籽種口糧俾資東作

臣惟當飭

司道等認真散放務期

帑不虛糜民沾實惠仰副

聖主普錫春祺有加無已至意謹

奏奉

硃批候旨行

嘉慶十六年正月初四日奉

上諭上年甘肅皋蘭等三十三廳州縣間有先後被旱被
水地畝節經降旨分別蠲緩並撥帑賑卹小民餬口有
資無虞失所惟念東作方興青黃不接貧民蓋藏未裕
恐不免拮据著加恩將原報情形較重之皋蘭金縣沙
泥靖遠紅水隴西會寧安定通渭固原鹽茶靜寧隆德
平番靈州中衛花馬池靈臺十八廳州縣按照上年普
賑戶口再賞一月口糧仍借給口糧籽種其情形較輕
及附近歉收各州縣並著酌借籽種口糧以資接濟該
督務須飭屬認真經理俾小民益臻寬裕用副朕履端
布闔加惠閭閻至意該部卽遵諭行

嘉慶十六年二月初八日

奏爲欽遵

恩旨酌籌賑借銀兩通融動用並請添撥

帑項以資接濟事竊

臣欽奉

上諭上年甘肅皋蘭等三十三廳州縣間有先後被旱被
水地畝節經降旨分別蠲緩並撥帑賑卹小民餬口有
資無虞失所惟念東作方興青黃不接貧農蓋藏未裕
恐不免拮据著加恩將原報情形較重之皋蘭金縣沙
泥靖遠紅水隴西會寧安定通渭固原鹽茶靜寧隆德
平番靈州中衛花馬池靈臺十八廳州縣按照上年普

賑戶口再賞給一月口糧仍借給口糧籽種其情形較輕及附近歉收各州縣並著酌借籽種口糧以資接濟
欽此仰見

皇上普錫春祺有加無已至意臣遵卽飭司刊布謄黃通行曉諭闔省官民無不仰戴

皇恩同聲歡感所有

恩賞一月口糧及酌借口糧籽種一併行司籌議去後茲據藩司陳祁詳稱上年蒙

恩撥給賑卹銀一百萬兩內除動用賑銀五十七萬餘兩及賑糧運腳並煮粥等項十餘萬兩外餘銀三十

萬兩先經

奏准作爲阜蘭固原二處修理城工以工代賑之川茲
遵

恩旨加賞貧民一月口糧並酌借口糧籽種查有糧之中
衛縣一處應以本色散給外其阜蘭等一十七處
以折色散給按照上年普賑戶口共需銀三十二
萬餘兩又被災地方及附近歉收各屬應借籽種
口糧酌核情形樽節借放除有糧州縣給予本色
外尚需折色銀二十餘萬兩統計共需銀五十餘
萬兩現查司庫僅存正項十餘萬兩不敷動支等

卷二十一
情臣復與該司陳祁及臬司各道悉心酌議民隱
固當體卹不敢屯膏而

帑項亦應搏節不可糜用現屆度支繁費之時臣等何
敢全數請撥上瀆

聖聰伏查阜蘭固原二處城工其近水被衝及坍塌過甚
之處不得不及時修理先已飭令估修內有可以
稍緩段落今擬請暫行從緩卽將此項城工節省
銀兩及司庫暫可借動之款先爲酌動計賑借兩
項實不敷銀二十餘萬兩合無仰懇

皇上天恩俯准在於甘肅鄰近省分

賞撥銀二十萬兩以爲添奏賑借之用至現在東作方興
瞬屆青黃不接若俟撥銀到後始行散給誠恐緩
不濟急臣不敢拘泥已飭司在留備城工及俸餉
項下暫行借動俟撥銀到日歸款似此通融辦理
庶窮民蚤沐

恩慈而

國帑亦昭慎重臣惟當督飭所司認真散放務期民沾
實惠仰被

聖主履端行慶之恩再城工緩修段落如果必須續修另
容察看情形酌量

奏辦謹

奏奉

硃批戶部議奏

嘉慶十六年閏三月十七日

奏查甘省各屬展賑已經完竣惟內有逃荒在外此次
未及承領之戶臣那彥成先經督飭散放各員查
明扣除將銀解還司庫以重

帑項而杜浮冒各處粥廠亦已次第停撤所有展賑及
粥廠動用銀糧現在督同司道核實查算分別報
銷外至領賑窮民自去秋至今疊次仰荷

聖恩有加無已無不感戴

皇仁同聲歡頌察看地方民情實屬靖謐惟各屬冬春以來得雪雖已優渥現屆春耕而澤尚少內東路之固原鹽茶安定會寧及省城之皋蘭金縣一帶常有風霾雨不能降而鹽茶地方尤甚臣屢次差人查訪復札詢提臣楊遇春據覆固原鹽茶二處上年被旱未甚之地畝今春翻種者不過十之二三其餘均未下籽惟望日內卽得透雨或可有濟等語所有各該處籽種口糧業經照例借給此後如何情形臣仍當隨時斟酌急爲接濟俾窮民渥沐

恩慈仰副

聖主綏靖閭閻至意謹

奏奉

硃批一切核實辦理不可諱飾

嘉慶十六年四月十三日

奏爲查明各屬粥廠起止日期及動用銀糧數目恭摺
奏

聞事竊照甘省上年夏田被旱經臣具

奏於蘭州西寧涼州等處設廠煮賑旋因西寧涼州得
雨停止所有皋蘭縣之河北及水北河二處靖遠

縣之本城及打拉赤二處靈州之同心城一處中衛縣之本城一處花馬池州同一處均經

奏明陸續開廠又鹽茶廳之新堡子地方被災較重未及奏明續經設廠一處以資接濟茲自上年十月及本年正月二月以來察核各該處情形次第停止據藩司陳祁查明各廠共動用倉斗糧三萬二千七百四十三石有零除無糧之州縣撥運他處糧石所需腳價另於運糧案內照例造報外至各廠需用柴薪及書役夫工口食等項共用銀三萬三百四十餘兩每糧一石計需費八九錢至一兩

餘不等查係上年歉收百物昂貴所致嚴加查訪
核算尚係實用實銷委無浮濫查甘省歷年隆冬
煮賑均係地方官捐廉自辦並無報銷成案無可
比照此次煮賑需用柴薪等項自不應照各委員
所報致多糜費而竟不准開銷亦不可令其賠墊
應請照京城煮賑定例梭米二石準柴薪銀一兩
以每糧一石準銀五錢書役夫工口食亦在其內
合算共請銷銀一萬六千三百七十一兩零以示
限制其不敷銀一萬三千九百七十兩零在於通
省攤捐歸款由司詳請具

奏前來臣飭令分晰造冊核明

題銷謹

奏奉

硃批戶部知道

謹將臯蘭等處粥廠起止日期及動用銀糧總數
繕具清單恭呈

御覽

臯蘭縣河北粥廠

自嘉慶十五年七月初一日起至本年二月十

五日止

又水北河粥廠

自嘉慶十五年八月十一日起至本年二月十
五日止

靖遠縣本城粥廠

自嘉慶十五年十一月二十六日起至本年二
月十四日止

又打拉赤粥廠

自嘉慶十五年十月初三日起至本年二月初
十日止

靈州同心城粥廠

自嘉慶十五年九月初六日起至本年二月十五日止

中衛縣本城粥廠

自嘉慶十五年七月十五日起至十月初十日止

花馬池州同粥廠

自嘉慶十五年十二月初一日起至本年正月十五日止

鹽茶廳新堡子粥廠

自嘉慶十五年十二月初五日起至本年正月

十五日止

以上各廠共動用糧三萬二千七百四十三石
二斗三升八合五勺

共請銷柴薪鍋竈棚廠燈油缸盆杓桶書役夫
工口食等項銀一萬六千三百七十一兩六
錢一分九釐

嘉慶十六年四月十九日

奏爲酌減平糶糧價以足民食事竊照甘省上年夏田

被旱經

臣

奏明撥運西寧鎮番等州縣倉糧於賑

卹煮粥之外兼爲平糶之用查省城皋蘭縣自上

年九月十六日起至本年二月十五日止共糶過糧八千七百五十七石零按照時估每石減價銀一錢時因貧民就食粥廠者多是以糶買官糧者少至省會春夏以來雨水缺少糧價增昂當積歉之餘又值青黃不接之際自應仍行接續平糶以濟民艱臣查核月報市價按諸現在情形若僅照舊減價一錢窮民力艱糶食而待哺嗷嗷其情尤堪憫惻查例載歉歲米價過昂應大加酌減者督撫確核實須減價若干一面奏

聞一面發糶總不得過三錢等語臣已飭藩司轉飭臬司

縣於三月十六日開廠接續平糶每石照依時估減銀三錢理合奏

聞仰懇

皇上天恩俯准照價減糶俾窮黎得資接濟益沐

鴻慈

臣

惟有督飭所屬認真辦理毋使奸商藉端囤積漁

利病民所有先後糶過糧石糶存價銀仍飭藩司俟停止平糶後另再彙總冊報其糶存糧價俟豐收後總可買補完倉不致短少謹

奏

嘉慶十六年五月初七日奉

上諭那彥成奏酌減平糶糧價以足民食一摺甘省上年
被旱前經該督奏撥倉糧於賑卹煮粥之外在省城按
照時價每石減銀一錢平糶共糶過八千七百五十餘
石本年自春夏以來該省雨水缺少糧價增昂該督奏
請照依時估每石減銀三錢於皋蘭縣開厰平糶以資
接濟而裕民食自係實在情形著卽照所請行該督務
當督飭所屬認真辦理毋使奸商藉端囤積漁利以期
實惠及民該部知道摺併發

嘉慶十六年五月十五日

奏爲繳還賑務餘銀及攤捐不敷運腳銀兩恭摺奏

聞事竊查甘肅蘭等一十八廳州縣本年展賑前經

奏明散放完竣惟內有逃亡未領之戶經飭散放各員
查明扣除將銀解還司庫所有辦理緣由已於前
摺聲明在案茲據藩司陳祁詳稱據各道府具報
查明展賑案內逃亡未領各戶實存剩銀一萬九
千九百二十二兩零剩糧八十石九斗零並據報
查出上年散放初加賑時委員查造戶口冊籍之
後有出外就食謀生者有因時疫流行未能領賑
者迨後或歸莊或病愈陸續補領是以存剩銀糧
未能截數開報茲於展賑完竣查明初加賑案內

逃亡病故各戶共存剩銀未領二萬九千五百八十兩零存剩糧一百八十四石零按照賑冊逐細確查無異詳請具

奏前來

臣竊查此次辦理賑務凜遵

聖訓務在剔除積弊核實鈎稽今督同藩司逐一查明初加賑案內實有逃亡未領各戶共餘銀四萬九千五百三兩六錢共餘糧二百六十五石七斗四升共銀已飭據各州縣解繳司庫糧石業已歸倉並無留存隱匿除飭藩司將初加展賑存剩銀糧及戶口細數於奏銷清冊內照數開除具

題外理合據實具

奏伏祈

皇上勅下戶部查照辦理再查上年辦理賑卹曾請撥運西寧縣倉糧因冬令水落水凍不能輓運並請於近省之狄道武威鎮番等州縣陸運糧十餘萬石以爲放賑及煮粥之用所需運腳亦於賑銀內動銷惟因糧價日昂陸運腳價較常加倍又未便頻外開銷聲明在平糶項下俟買補還倉之日如有盈餘卽以此賠補陸運腳價尙有不敷公捐養廉賠補其他屬有須就近撥糧之處照此辦理等因

均經奏蒙

聖覽茲據藩司詳稱查得臯蘭靖遠平番花馬池州同鹽
茶等處撥運狄道武威西寧鎮番平羅靈州中衛
等處共糧一十一萬五千六百二十五石零照例
核算腳價共應請銷銀九萬七千八百五十八兩
零惟各州縣具報共實用銀一十三萬六千七百
二十七兩零均於賑銀內撥墊動用實較例價浮
多銀三萬八千六十九兩零節經飭查僉稱云去
歲糧價昂貴腳價倍增委無浮冒等語至平糶買
補尚需時日所有實用運糧腳價未便懸宕請將

例外不敷銀兩查照奏定原案在於通省養廉項下攤捐歸補等情查上年至今糧價昂貴運費較常加倍係屬實在情形未便竟令輓運之州縣獨擔賠累或致藉口虧挪惟此次賑卹及煮粥平糶各項喫沐

聖恩業已至優極渥何敢復以例不准銷之項率請動給伏念_臣與司道等養廉優厚况賑務爲通省民瘼所關卽府廳州縣均應各盡乃心公捐歸補所有撥墊例價不敷銀三萬八千八百六十九兩零今已於通省養廉內攤捐歸款除飭藩司將准銷例

價另行報銷外以上賑餘及攤捐二項共銀八萬
八千三百七十二兩零又糧二百六十五石零理
合分晰奏

聞謹

奏奉

硃批戶部知道

容安謹按庚午秋 先公下車伊始值甘省旱
災請

帑賑濟日夜籌維幾至目不交睫思所以普濟實惠及
民者時方伯陳公祁亦能同心持正籌辦盡力

迨於嘉慶二十一年以甘肅清查牽及賑案內
查知陳方伯以運價公費諸項例不能開銷挪
用銀二萬數千兩通融濟公時陳方伯已物故
公因此獲咎豈非事有定數而失查固出意料
之外者也

嘉慶十六年九月二十日

奏爲查明節年民欠籽種口糧仰懇

天恩准予豁免以紓民力以廣

皇仁事竊

臣夏間

陛見曾將甘省歷年民欠籽種口糧懇

恩豁免緣由面奏情形蒙

聖諭令補摺後再降

恩旨茲

臣回任督同藩司陳祁查得通省歷年借給貧民

籽種口糧或因災緩徵或係毗連災區收成歉薄以致拖欠纍纍自嘉慶元年起至十五年止通計各屬民欠未完本色京斗糧一百六萬三千七百四石零折色銀一十八萬九千七百二十一兩零又寧夏府屬未完渠夫口糧一萬九千六十餘石以上各項自應嚴飭地方官催徵歸款無如借領多係貧難之戶頻年荒歉積累又多勢難新舊並

完由司詳請籲懇

天恩俯准豁免前來

臣

覆查甘省瘠苦情形久在

聖明鑒照之中查乾隆四十五六十等年兩次欽奉

恩旨豁免共正借銀糧五百八十三萬零又四十七年前

督

臣

李侍堯奏免節年借糧二百七十六萬零一

次又五十四年前督

臣

勒保奏免節年正借銀糧

二百二十九萬零一次今已二十餘年借糧積欠

又復日增卽嚴切催徵瘠土窮黎終屬無力完納

查上年偶值偏災各屬正借銀糧業經奉

旨緩徵本年秋成雖已轉歉爲豐但瘡痍初起

臣

察看民

情卽本年完納正糧其力已形拮据若再催徵十
數年積欠借糧徒有追比之名終無完納之實且
比戶追呼下情亦堪憫惻伏念

聖主軫卹民艱無微不至上年蠲緩賑卹小民已無不屆
沾

恩澤共慶生全前項籽種口糧原係借給貧難之戶究與
正糧有間今實因無力完交以致頻年積欠可否
仰懇

皇上恩外加恩准將嘉慶元年至十五年積欠借糧普行
豁免從此積累一清民力漸足俾得專輸正賦稍

瞻身家仰沐

天地高厚之恩實無旣極所有查明節年民欠借糧謹繕

摺恭懇

天恩准予豁免如蒙

恩允另容飭司照例造冊

題請辦理謹

奏

嘉慶十六年十月初十日奉

上諭那彥成奏查明甘省節年民欠籽種口糧未完各數一摺據稱該省歷年借給貧民籽種口糧自嘉慶元年

起至十五年止通計各屬未完本色京斗糧一百六萬三千七百四石零折色銀一十八萬九千七百二十一兩零又寧夏府屬未完渠夫口糧一萬九千六十餘石雖經嚴飭催徵其借領多屬貧難之戶頻年荒歉勢難新舊並完等語甘省地瘠民貧偏災時見所有歷年帶徵未完之項隨時降旨展緩仍不免逋欠纍纍本年秋禾雖轉歉爲豐但於完納正賦之外若將歷年舊欠一併催徵民力實有不逮卽再加展緩而積逋日久間閭仍重困追呼朕心實爲憫念著加恩將自元年至十五年甘肅省所有積欠糧一百六萬三千七百四石零折

色銀一十八萬九千七百二十一兩零渠夫口糧一萬九千六十餘石普行豁免俾小民積累一清蓋藏漸裕以示朕軫念窮簷休養民力至意該部知道摺併發

嘉慶十六年十月十二日

奏爲查明收成歉薄之各州縣村莊仰懇

聖恩准予緩徵錢糧以紓民力事竊照甘肅本年夏收七分
分以上秋收七分
以上業經分別奏報在案惟自
夏秋以來各屬田禾間有被雹被霜之處經飭司
委員勘明其並不成災無礙秋成者均無庸議外
惟查有皋蘭縣之東鄉王家營等四十村莊河州

之東北鄉一百五十六會寨靖遠縣之南鄉上中
所等四十六村莊鹽茶廳之四鄉蒙古堡等四十
五村莊中衛縣之東南鄉香山等四十三村莊花
馬池州同之安定堡等五十五村莊夏秋禾均
被雹被霜雖勘不成災收成僅止五分有餘又當
上年被旱之後民力實形拮据據藩司陳昶查明
請將該州縣各村莊應徵新舊錢糧分別緩徵至
冬末春初貧民如有缺乏籽種口糧另再查辦等
情詳請具

奏前來臣覆查阜蘭河州靖遠鹽茶中衛花馬池六屬

上年被旱成災情形較重本年各村莊田禾偏被
霜霜雖止係一隅中之一隅勘不成災無庸撫卹
但收成僅得五分有餘究屬歉薄民力未免拮据
伏惟

聖主軫念民依無微不至合無仰懇

天恩俯准將臯蘭等六廳州縣偏被霜之村莊應徵新
舊錢糧等項均緩至明年麥秋徵收以紓民力其
餘未被霜各村莊仍行照例徵輸俟冬春之間
如有應需調劑者另再察看辦理再此六州縣被
霜霜之處因屢經委勘確查是以奏報少遲合併

陳明謹

奏

嘉慶十六年十月二十八日奉

上諭那彥成奏查明被霜雹村莊懇恩緩徵一摺甘肅
本年通省收成豐稔惟臯蘭等六廳州縣所屬村莊間
被霜雹雖係一隅中之一隅但秋成僅止五分有餘民
力未免拮据除各該州縣未被霜雹村莊仍照例輸徵
外著加恩將臯蘭縣之東鄉王家營等四十村莊河州
之東北鄉一百五十六會寨靖遠縣之南鄉土中所等
四十六村莊鹽茶廳之四鄉蒙古堡等四十五村莊中

衛縣之東南鄉香山等四十三村莊花馬池州同之安定堡等五十五村莊應徵新舊錢糧均緩至明年麥後徵收以紓民力明春青黃不接之時應否調劑著該督再行察看具奏

嘉慶十七年四月初十日

奏爲查明甘省現得時雨情形專摺奏

聞仰慰

聖懷事竊照甘省得雨情形均經按月奏報在案惟查各屬自十五年被旱後十六年得雨通計亦未透足自冬至春省城一帶僅見微雪本年二月以來雖

陸續得雨仍未均沾時屆翻種之際望澤孔殷臣
實深焦灼因於二月十八日蠲潔齋心率同司道
府縣親詣西門外

雷神壇虔求默禱迨至二十一二等日雷動省城及
屬旋即得雨二三四寸不等正當清明節近四野
歡呼詢之老農僉稱數十年來從未見此時雨三
月內省城陸續得雨三次均報有二三四寸不等
各府州縣所報大率相同又於四月初一日自子
至午歷七時之久省城甘霖大沛入土深透經飭
藩司飛查各屬均已一律霑足現在夏禾長發高

原下隰彌望青葱土膏旣已涵濡收穫可期豐稔
伏念甘省地本磽瘠蓋藏空虛歲或不登每致上
厪

宸衷多方撫卹今得仰賴

皇上洪福甘雨應時凡在官民無不同聲歡忭理合專摺
奏

聞仰慰

聖懷再甘省

雷神壇建在城西祈禱素著靈應曾蒙

世宗憲皇帝御賜宣暢太和四字匾額乾隆四十六年撤

拉爾逆回滋事一併焚燬嗣後修建重新今

神靈彌昭感格福德及民合無仰懇

天恩賞給匾額恭懸正殿以答

神庥而彰

寵貺出自

聖裁謹

奏奉

硃批欣慰覽之匾額尺寸開單具奏

嘉慶十七年五月十五日

奏臣前因奏報時雨並懇

欽賜

雷神壇匾額以昭靈貺一摺奉

硃批欣慰覽之匾額尺寸開單具奏

臣遵查前項匾額計

長一丈高五尺謹附片陳明奉

硃批卽行親書發往

嘉慶十七年七月初十日

奏蒙

欽頒

御書雷神壇鼓萬靈甘匾額

臣遵卽敬謹鈎摹恭懸

神壇正殿仰見

寶墨騰輝丹楹煥采從此經綸靈雨絪縕默契乎

鴻鈞鼓暢太和豐穰頻書夫大有三靈効順億兆臚歡謹
奏奉

硃批覽

嘉慶十八年四月初二日

奏爲甘省現得時雨專摺奏

聞仰慰

聖懷事竊照甘省雨雪情形均經按月奏報在案惟查蘭
州省城二月內未經得雪各屬雖經得有雨雪亦
未普沾時值春耕翻種之時農民望澤孔殷臣實

深焦灼於三月初一日蠲潔齋心率同司道府縣親詣西門外

雷神壇虔求默禱是日及初四初七十一等日得有雨雪高下田疇均已次第翻犁省外各屬亦俱陸續得雨迨至二十三日起至二十五日止陰雲密布時雨連綿二十七八等日又復迭沛甘霖斷續相間差查省城四鄉入土深透一律均沾凡在官民無不歡忭鼓舞旋據八府五州所報得雨有三四五寸以至深透不等伏念甘省地本苦寒素鮮蓋藏饒瘠之區無日不上煩

宸厯今得仰賴

皇上洪福甘露應候大田有多稼之徵好雨知時沃野沐
如膏之潤豐年預兆遐邇騰歡理合專摺

奏慰

聖懷謹

奏奉

硃批欣慰覽之

卷二十一

那文毅公二任陝甘總督奏議卷二十一